

בפרך¹⁵ ויאמר מלך מצרים למילדת
 העברית אשר שם האחת שפרה ושם
 השנית פועה¹⁶ ויאמר בילדכן את
 העבריות וראיתן על האבנים אם בן הוא
 והמתן אתו ואם בת היא וחיה¹⁷ ותיראן
 המילדת את האלהים ולא עשו כאשר
 דבר אליהן מלך מצרים ותחיין את
 הילדים¹⁸ ויקרא מלך מצרים למילדת
 ויאמר להן מדוע עשיתן הדבר הזה
 ותחיין את הילדים¹⁹ ותאמרן המילדת
 אל פרעה כי לא כנשים המצרית
 העברית כי חיות הנה בטרם תבוא אליהן
 המילדת וילדו²⁰ וייטב אלהים למילדת
 וירב העם ויעצמו מאד²¹ ויהי כי יראו
 המילדת את האלהים ויעש להם
 בתים²² ויצו פרעה לכל עמו לאמר כל
 הבן הילוד היארה תשליכהו וכל הבת
 תחיון ם

2 וילך איש מבית לוי ויקח את בת
 לוי² ותהר האשה ותלד בן ותרא אתו כי
 טוב הוא ותצפנהו שלשה ירחים³ ולא
 יכלה עוד הצפינו ותקח לו תבת גמא
 ותחמרה בחמר ובזפת ותשם בה את
 הילד ותשם בסוף על שפת
 היאר⁴ ותתצב אחתו מרחק לדעה מה
 יעשה לו⁵ ותרד בת פרעה לרחץ על
 היאר ונערתיה הלכת על יד היאר ותרא
 את התבה בתוך הסוף ותשלח את

Exodus

שמות

1 ואלה שמות בני ישראל הבאים
 מצרימה את יעקב איש וביתו
 באו² ראובן שמעון לוי ויהודה³ יששכר
 זבולן ובנימן¹ דן ונפתלי גד ואשר⁵ ויהי
 כל נפש יצאי ירך יעקב שבעים נפש
 ויוסף היה במצרים⁶ וימת יוסף וכל אחיו
 וכל הדור ההוא⁷ ובני ישראל פרו וישרצו
 וירבו ויעצמו במאד מאד ותמלא הארץ
 אתם פ

⁸ ויקם מלך חדש על מצרים אשר לא ידע
 את יוסף⁹ ויאמר אל עמו הנה עם בני
 ישראל רב ועצום ממנו¹⁰ הבה נתחכמה
 לו פן ירבה והיה כי תקראנה מלחמה
 ונוסף גם הוא על שנאינו ונלחם בנו ועלה
 מן הארץ¹¹ וישימו עליו שרי מסים למען
 ענתו בסבלתם ויבן ערי מסכנות לפרעה
 את פתם ואת רעמסס¹² וכאשר יענו
 אתו כן ירבה וכן יפרץ ויקצו מפני בני
 ישראל¹³ ויעבדו מצרים את בני ישראל
 בפרך¹⁴ וימררו את חייהם בעבדה קשה
 בחמר ובלבנים ובכל עבדה בשדה את
 כל עבדתם אשר עבדו בהם

1 BHS has been faithful to the Leningrad Codex where there might be a question of the validity of the form and we keep the same form as BHS.

צאן אביהן¹⁷ ויבאו הרעים ויגרשום ויקם משה ויושען וישק את צאנם¹⁸ ותבאנה אל רעואל אביהן ויאמר מדוע מהרתן בא היום¹⁹ ותאמרן איש מצרי הצילנו מיד הרעים וגם דלה דלה לנו וישק את הצאן²⁰ ויאמר אל בנתיו ואיו למה זה עזבתן את האיש קראן לו ויאכל לחם²¹ ויואל משה לשבת את האיש ויתן את צפרה בתו למשה²² ותלד בן ויקרא את שמו גרשם כי אמר גר הייתי בארץ נכריה פ

²³ ויהי בימים הרבים ההם וימת מלך מצרים ויאנחו בני ישראל מן העבדה ויזעקו ותעל שועתם אל האלהים מן העבדה²⁴ וישמע אלהים את נאקתם ויזכר אלהים את בריתו את אברהם את יצחק ואת יעקב²⁵ וירא אלהים את בני ישראל וידע אלהים ס

3 ומשה היה רעה את צאן יתרו חתנו כהן מדין וינהג את הצאן אחר המדבר ויבא אל הר האלהים חרבה² וירא מלאך יהוה אליו בלבת אש מתוך הסנה וירא והנה הסנה בער באש והסנה איננו אבל³ ויאמר משה אסרה נא ואראה את המראה הגדל הזה מדוע לא יבער הסנה⁴ וירא יהוה כי סר לראות ויקרא אליו אלהים מתוך הסנה ויאמר משה משה ויאמר הנני⁵ ויאמר אל תקרב הלם

אמתה ותקחה¹ ותפתח ותראהו את הילד והנה נער בכה ותחמל עליו ותאמר מילדי העברים זה⁷ ותאמר אחתו אל בת פרעה האלך וקראתי לך אשה מינקת מן העברית ותינק לך את הילד⁸ ותאמר לה בת פרעה לכי ותלך העלמה ותקרא את אש הילד⁹ ותאמר לה בת פרעה היליכי את הילד הזה והינקהו לי ואני אתן את שכרך ותקח האשה הילד ותניקהו¹⁰ ויגדל¹ הילד ותבאהו לבת פרעה ויהי לה לבן ותקרא שמו משה ותאמר כי מן המים משיתהו¹¹ ויהי בימים ההם ויגדל משה ויצא אל אחיו וירא בסבלתם וירא איש מצרי מכה איש עברי מאחיו¹² ויפן כה וכה וירא כי אין איש ויך את המצרי ויטמנהו בחול¹³ ויצא ביום השני והנה שני אנשים עברים נצים ויאמר לרשע למה תכה רעך¹⁴ ויאמר מי שמך לאיש שר ושפט עלינו הלהרגני אתה אמר כאשר הרגת את המצרי וירא משה ויאמר אכן נודע הדבר¹⁵ וישמע פרעה את הדבר הזה ויבקש להרג את משה ויברח משה מפני פרעה וישב בארץ מדין וישב על הבאר¹⁶ ולכהן מדין שבע בנות ותבאנה ותדלנה ותמלאנה את הרהטים להשקות

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

יעקב שלחני אליכם זה שמי לעלם וזה זכרי לדר דר¹⁶ לך ואספת את זקני ישראל ואמרת אלהם יהוה אלהי אבותיכם נראה אלי אלהי אברהם יצחק ויעקב לאמר פקד פקדתי אתכם ואת העשוי לכם במצרים¹⁷ ואמר אעלה אתכם מעני מצרים אל ארץ הכנעני והחתי והאמרי והפרזי והחוי והיבוסים אל ארץ זבת חלב ודבש¹⁸ ושמעו לקלך ובאת אתה וזקני ישראל אל מלך מצרים ואמרתם אליו יהוה אלהי העבריים נקרה עלינו ועתה נלכה נא דרך שלשת ימים במדבר ונזבחה ליהוה אלהינו¹⁹ ואני ידעתי כי לא יתן אתכם מלך מצרים להלך ולא ביד חזקה²⁰ ושלחתי את ידי והכיתי את מצרים בכל נפלאתי אשר אעשה בקרבן ואחרי כן ישלח אתכם²¹ ונתתי את חן העם הזה בעיני מצרים והיה כי תלכו לא תלכו ריקם²² ושאלה אשה משכנתה ומגרת ביתה כלי כסף וכלי זהב ושמלת ושמתם על בניכם ועל בנותיכם ונצלתם את מצרים

4 ויען משה ויאמר והן לא יאמינו לי ולא ישמעו בקלי כי יאמרו לא נראה אליך יהוה² ויאמר אליו יהוה **מזה** מה זה^a בידך ויאמר מטה³ ויאמר השליכהו

של נעליך מעל רגליך כי המקום אשר אתה עומד עליו אדמת קדש הוא⁶ ויאמר אנכי אלהי אביך אלהי אברהם אלהי יצחק ואלהי יעקב ויסתר משה פניו כי ירא מהביט אל האלהים⁷ ויאמר יהוה ראה ראיתי את עני עמי אשר במצרים ואת צעקתם שמעתי מפני נגשיו כי ידעתי את מכאביו⁸ וארד להצילו מיד מצרים ולהעלתו מן הארץ ההוא אל ארץ טובה ורחבה אל ארץ זבת חלב ודבש אל מקום הכנעני והחתי והאמרי והפרזי והחוי והיבוסים⁹ ועתה הנה צעקת בני ישראל באה אלי וגם ראיתי את הלחץ אשר מצרים לחצים אתם¹⁰ ועתה לכה ואשלחך אל פרעה והוצא את עמי בני ישראל ממצרים¹¹ ויאמר משה אל האלהים מי אנכי כי אלך אל פרעה וכי אוציא את בני ישראל ממצרים¹² ויאמר כי אהיה עמך וזה לך האות כי אנכי שלחתיך בהוציאך את העם ממצרים תעבדון את האלהים על ההר הזה¹³ ויאמר משה אל האלהים הנה אנכי בא אל בני ישראל ואמרת להם אלהי אבותיכם שלחני אליכם ואמרו לי מה שמו מה אמר אלהים¹⁴ ויאמר אלהים אל משה אהיה אשר אהיה ויאמר כה תאמר לבני ישראל אהיה שלחני אליכם¹⁵ ויאמר עוד אלהים אל משה כה תאמר אל בני ישראל יהוה אלהי אבותיכם אלהי אברהם אלהי יצחק ואלהי

a Adaptations to a Qere which L and BHS, by their design, do not indicate.

יצא לקראתך וראך ושמח בלבן¹⁵ ודברת אליו ושממת את הדברים בפיו ואנכי אהיה עם פיך ועם פיהו והוריתי אתכם את אשר תעשון¹⁶ ודבר הוא לך אל העם והיה הוא יהיה לך לפה ואתה תהיה לו לאלהים¹⁷ ואת המטה הזה תקח בידך אשר תעשה בו את האתת¹⁸ וילך משה וישב אל יתר חתנו ויאמר לו אלכה¹ נא ואשובה אל אחי אשר במצרים ואראה העודם חיים ויאמר יתרו למשה לך לשלום¹⁹ ויאמר יהוה אל משה במדין לך שב מצרים כי מתו כל האנשים המבקשים את נפשך²⁰ ויקח משה את אשתו ואת בניו וירכבם על החמר וישב ארצה מצרים ויקח משה את מטה האלהים בידו²¹ ויאמר יהוה אל משה בלכתך לשוב מצרימה ראה כל המפתים אשר שמתי בידך ועשיתם לפני פרעה ואני אחזק את לבו ולא ישלח את העם²² ואמרת אל פרעה כה אמר יהוה בני בכרי ישראל²³ ואמר אליך שלח את בני ויעבדני ותמאן לשלחו הנה אנכי הרג את בנך בכרך²⁴ ויהי בדרך במלון ויפגשו יהוה ויבקש המיתו²⁵ ותקח צפרה צר ותכרת את ערלת בנה ותגע לרגליו ותאמר כי חתן דמים אתה לי²⁶ וירף ממנו אז אמרה חתן דמים

ארצה וישליכהו ארצה ויהי לנחש וינס משה מפניו⁴ ויאמר יהוה אל משה שלח ידך ואחז בזנבו וישלח ידו ויחזק בו ויהי למטה בכפו⁵ למען יאמינו כי נראה אליך יהוה אלהי אבתם אלהי אברהם אלהי יצחק ואלהי יעקב⁶ ויאמר יהוה לו עוד הבא נא ידך בחיקך ויבא ידו בחיקו ויוצאה והנה ידו מצרעת כשלג⁷ ויאמר השב ידך אל חיקך וישב ידו אל חיקו ויוצאה מחיקו והנה שבה כבשרו⁸ והיה אם לא יאמינו לך ולא ישמעו לקל האת הראשון והאמינו לקל האת האחרון⁹ והיה אם לא יאמינו גם לשני האתות האלה ולא ישמעון לקלך ולקחת ממימי היאר ושפכת היבשה והיו המים אשר תקח מן היאר והיו לדם ביבשת¹⁰ ויאמר משה אל יהוה בי אדני לא איש דברים אנכי גם מתמול גם משלשם גם מאז דברך¹ אל עבדך כי כבד פה וכבד לשון אנכי¹¹ ויאמר יהוה אליו מי שם פה לאדם או מי ישום אלם או חרש או פקח או עור הלא אנכי יהוה¹² ועתה לך ואנכי אהיה עם פיך והוריתיך אשר תדבר¹³ ויאמר בי אדני שלח נא ביד תשלח¹⁴ ויחר אף יהוה במשה ויאמר הלא אהרן אחיך הלוי ידעתי כי דבר ידבר הוא וגם הנה הוא

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

לעם ללבן הלבנים כתמול שלשם הם ילכו וקששו להם תבן⁸ ואת מתכנת הלבנים אשר הם עשים תמול שלשם תשימו עליהם לא תגרעו ממנו כי נרפים הם על כן הם צעקים לאמר נלכה נזבחה לאלהינו⁹ תכבד העבדה על האנשים ויעשו בה ואל ישעו בדברי שקר¹⁰ ויצאו נגשי העם ושטריו ויאמרו אל העם לאמר כה אמר פרעה אינני נתן לכם תבן¹¹ אתם לכו קחו לכם תבן מאשר תמצאו כי אין נגרע מעבדתכם דבר¹² ויפץ העם בכל ארץ מצרים לקשש קש לתבן¹³ והנגשים אצים לאמר כלו מעשיכם דבר יום ביומו כאשר בהיות התבן¹⁴ ויכו שטרי בני ישראל אשר שמו עליהם נגשי פרעה לאמר מדוע לא כליתם חקכם ללבן כתמול שלשם גם תמול גם היום¹⁵ ויבאו שטרי בני ישראל ויצעקו אל פרעה לאמר למה תעשה כה לעבדיך¹⁶ תבן אין נתן לעבדיך ולבנים אמרים לנו עשו והנה עבדיך מכים וחסטאת עמך¹⁷ ויאמר נרפים אתם נרפים על כן אתם אמרים נלכה נזבחה ליהוה¹⁸ ועתה לכו עבדו ותבן לא ינתן לכם ותכן לבנים תתנו¹⁹ ויראו שטרי בני ישראל אתם ברע לאמר לא תגרעו מלבניכם דבר יום ביומו²⁰ ויפגעו את משה ואת אהרן נצבים לקראתם בצאתם מאת פרעה²¹ ויאמרו אלהים ירא יהוה

למולת פ

²⁷ ויאמר יהוה אל אהרן לך לקראת משה המדברה וילך ויפגשו בהר האלהים וישק לו²⁸ ויגד משה לאהרן את כל דברי יהוה אשר שלחו ואת כל האתת אשר צוהו²⁹ וילך משה ואהרן ויאספו את כל זקני בני ישראל³⁰ וידבר אהרן את כל הדברים אשר דבר יהוה אל משה ויעש האתת לעיני העם³¹ ויאמן העם וישמעו כי פקד יהוה את בני ישראל וכי ראה את ענים ויקדו וישתחוו¹

5 ואחר באו משה ואהרן ויאמרו אל פרעה כה אמר יהוה אלהי ישראל שלח את עמי ויחגו לי במדבר² ויאמר פרעה מי יהוה אשר אשמע בקלו לשלח את ישראל לא ידעתי את יהוה וגם את ישראל לא אשלח³ ויאמרו אלהי העברים נקרא עלינו נלכה נא דרך שלשת ימים במדבר ונזבחה ליהוה אלהינו פן יפגענו בדבר או בחרב⁴ ויאמר אלהם מלך מצרים למה משה ואהרן תפריעו את העם ממעשיו לכו לסבלתיכם⁵ ויאמר פרעה הן רבים עתה עם הארץ והשבתם אתם מסבלתם⁶ ויצו פרעה ביום ההוא את הנגשים בעם ואת שטריו לאמר⁷ לא תאספון לתת תבן

1 BHS has been faithful to the Leningrad Codex where there might be a question of the validity of the form and we keep the same form as BHS.

אני יהוה⁹ וידבר משה כן אל בני ישראל ולא שמעו אל משה מקצר רוח ומעבדה קשה פ

¹⁰ וידבר יהוה אל משה לאמר ¹¹ בא דבר אל פרעה מלך מצרים וישלח את בני ישראל מארצו ¹² וידבר משה לפני יהוה לאמר הן בני ישראל לא שמעו אלי ואיך ישמעני פרעה ואני ערל שפתים פ ¹³ וידבר יהוה אל משה ואל אהרן ויצום אל בני ישראל ואל פרעה מלך מצרים להוציא את בני ישראל מארץ מצרים פ ¹⁴ אלה ראשי בית אבתם בני ראובן בכר ישראל חנוך ופלוא חצרון וכרמי אלה משפחת ראובן ¹⁵ ובני שמעון ימואל וימין ואהד ויכין וצחר ושאול בן הכנענית אלה משפחת שמעון ¹⁶ ואלה שמות בני לוי לתלדתם גרשון וקהת ומררי ושני חיי לוי שבע ושלשים ומאת שנה ¹⁷ בני גרשון לבני ושמעי למשפחתם ¹⁸ ובני קהת עמרם ויצהר וחברון ועזיאל ושני חיי קהת שלש ושלשים ומאת שנה ¹⁹ ובני מררי מחלי ומושי אלה משפחת הלוי לתלדתם ²⁰ ויקח עמרם את יוכבד דדתו לו לאשה ותלד לו את אהרן ואת משה ושני חיי עמרם שבע ושלשים ומאת שנה ²¹ ובני יצהר קרח ונפג וזכרי ²² ובני עזיאל מישאל ואלצפן וסתרי ²³ ויקח אהרן את אלישבע בת עמינדב אחות

עליכם וישפט אשר הבאשתם את ריחנו בעיני פרעה ובעיני עבדיו לתת חרב בידם להרגנו ²² וישב משה אל יהוה ויאמר אדני למה הרעתה לעם הזה למה זה שלחתני ²³ ומאז באתי אל פרעה לדבר בשמך הרע לעם הזה והצל לא הצלת את עמך

6 ויאמר יהוה אל משה עתה תראה אשר אעשה לפרעה כי ביד חזקה ישלחם וביד חזקה יגרשם מארצו פ ² וידבר אלהים אל משה ויאמר אליו אני יהוה ³ וארא אל אברהם אל יצחק ואל יעקב באל שדי ושמי יהוה לא נודעתי להם ⁴ וגם הקמתי את בריתי אתם לתת להם את ארץ כנען את ארץ מגריהם אשר גרו בה ⁵ וגם אני שמעתי את נאקת בני ישראל אשר מצרים מעבדים אתם ואזכר את בריתי ⁶ לכן אמר לבני ישראל ¹ אני יהוה והוצאתי אתכם מתחת סבלת מצרים והצלתי אתכם מעבדתם וגאלתי אתכם בזרוע נטויה ובשפטים גדלים ⁷ ולקחתי אתכם לי לעם והייתי לכם לאלהים וידעתם כי אני יהוה אלהיכם המוציא אתכם מתחת סבלות מצרים ⁸ והבאתי אתכם אל הארץ אשר נשאתי את ידי לתת אתה לאברהם ליצחק וליעקב ונתתי אתה לכם מורשה

1 BHS has been faithful to the Leningrad Codex where there might be a question of the validity of the form and we keep the same form as BHS.

יהוה בנטתי את ידי על מצרים והוצאתי את בני ישראל מתוכם⁶ ויעש משה ואהרן כאשר צוה יהוה אתם בן עשו⁷ ומשה בן שמנים שנה ואהרן בן שלש ושמנים שנה בדברם אל פרעה פ⁸ ויאמר יהוה אל משה ואל אהרן לאמר⁹ כי ידבר אלכם פרעה לאמר תנו לכם מופת ואמרת אל אהרן קח את מטך והשלך לפני פרעה יהי לתנין¹⁰ ויבא משה ואהרן אל פרעה ויעשו¹ כן כאשר צוה יהוה וישלך אהרן את מטהו לפני פרעה ולפני עבדיו ויהי לתנין¹¹ ויקרא גם פרעה לחכמים ולמכשפים ויעשו גם הם חרטמי מצרים בלהטיהם כן¹² וישליכו איש מטהו ויהיו לתנינם ויבלע מטה אהרן את מטתם¹³ ויחזק לב פרעה ולא שמע אלהם כאשר דבר יהוה פ¹⁴ ויאמר יהוה אל משה כבד לב פרעה מאן לשלח העם¹⁵ לך אל פרעה בבקר הנה יצא המימה ונצבת לקראתו על שפת היאר והמטה אשר נהפך לנחש תקח בידך¹⁶ ואמרת אליו יהוה אלהי העברים שלחני אליך לאמר שלח את עמי ויעבדני במדבר והנה לא שמעת עד כה¹⁷ כה אמר יהוה בזאת תדע כי אני יהוה הנה אנכי מכה במטה אשר בידי על המים אשר ביאר ונהפכו

נחשון לו לאשה ותלד לו את נדב ואת אביהוא את אלעזר ואת איתמר²⁴ ובני קרח אסיר ואלקנה ואביאסף אלה משפחת הקרחי²⁵ ואלעזר בן אהרן לקח לו מבנות פוטיאל לו לאשה ותלד לו את פינחס אלה ראשי אבות הלויים למשפחתם²⁶ הוא אהרן ומשה אשר אמר יהוה להם הוציאו את בני ישראל מארץ מצרים על צבאתם²⁷ הם המדברים אל פרעה מלך מצרים להוציא את בני ישראל ממצרים הוא משה ואהרן²⁸ ויהי ביום דבר יהוה אל משה בארץ מצרים פ²⁹ וידבר יהוה אל משה לאמר אני יהוה דבר אל פרעה מלך מצרים את כל אשר אני דבר אליך³⁰ ויאמר משה לפני יהוה הן אני ערל שפתים ואיך ישמע אלי פרעה פ

7 ויאמר יהוה אל משה ראה נתתיך אלהים לפרעה ואהרן אחיך יהיה נביאך² אתה תדבר את כל אשר אצוך ואהרן אחיך ידבר אל פרעה ושלח את בני ישראל מארצו³ ואני אקשה את לב פרעה והרביתי את אתתי ואת מופתי בארץ מצרים⁴ ולא ישמע אלכם פרעה ונתתי את ידי במצרים והוצאתי את צבאתי את עמי בני ישראל מארץ מצרים בשפטים גדלים⁵ וידעו מצרים כי אני

1 BHS has been faithful to the Leningrad Codex where there might be a question of the validity of the form and we keep the same form as BHS.

ובמשארותיך²⁹ ובכה ובעמך ובכל עבדיך
יעלו הצפרדעים

8 ויאמר יהוה אל משה אמר אל אהרן
נטה את ידך במטך על הנהרת על
היאים ועל האגמים והעל את
הצפרדעים על ארץ מצרים² ויט אהרן
את ידו על מימי מצרים ותעל הצפרדע
ותכס את ארץ מצרים³ ויעשו כן
החרטמים בלטיהם ויעלו את הצפרדעים
על ארץ מצרים⁴ ויקרא פרעה למשה
ולאהרן ויאמר העתירו אל יהוה ויסר
הצפרדעים ממני ומעמי ואשלחה את
העם ויזבחו ליהוה⁵ ויאמר משה לפרעה
התפאר עלי למתי אעתיר לך ולעבדיך
ולעמך להכרית הצפרדעים ממך ומבתיך
רק ביאר תשארנה⁶ ויאמר למחר ויאמר
כדברך למען תדע כי אין כיהוה
אלהינו⁷ וסרו הצפרדעים ממך ומבתיך
ומעבדיך ומעמך רק ביאר
תשארנה⁸ ויצא משה ואהרן מעם פרעה
ויצעק משה אל יהוה על דבר הצפרדעים
אשר שם לפרעה⁹ ויעש יהוה כדבר
משה וימתו הצפרדעים מן הבתים מן
החצרות ומן השדת¹⁰ ויצברו אתם חמרם
חמרם ותבאש הארץ¹¹ וירא פרעה כי
היתה הרוחה והכבד את לבו ולא שמע
אלהם כאשר דבר יהוה¹² ויאמר
יהוה אל משה אמר אל אהרן נטה את

לדם¹⁸ והדגה אשר ביאר תמות ובאש
היאר ונלאו מצרים לשתות מים מן
היאר¹⁹ ויאמר יהוה אל משה אמר
אל אהרן קח מטך ונטה ידך על מימי
מצרים על נהרתם על יאריהם ועל
אגמיהם ועל כל מקוה מימיהם ויהיו דם
והיה דם בכל ארץ מצרים ובעצים
ובאבנים²⁰ ויעשו כן משה ואהרן כאשר
צוה יהוה וירם במטה ויך את המים אשר
ביאר לעיני פרעה ולעיני עבדיו ויהפכו
כל המים אשר ביאר לדם²¹ והדגה אשר
ביאר מתה ויבאש היאר ולא יכלו מצרים
לשתות מים מן היאר והיה הדם בכל ארץ
מצרים²² ויעשו כן חרטמי מצרים
בלטיהם ויחזק לב פרעה ולא שמע
אלהם כאשר דבר יהוה²³ ויפן פרעה
ויבא אל ביתו ולא שת לבו גם לזאת^c
²⁴ ויחפרו כל מצרים סביבת היאר מים
לשתות כי לא יכלו לשתת ממימי
היאר²⁵ וימלא שבעת ימים אחרי הכות
יהוה את היאר²⁶
ויאמר יהוה אל משה בא אל פרעה
ואמרת אליו כה אמר יהוה שלח את עמי
ויעבדני²⁷ ואם מאן אתה לשלח הנה
אנכי נגף את כל גבולך
בצפרדעים²⁸ ושרץ היאר צפרדעים ועלו
ובאו בביתך ובחדר משכבך ועל מטתך
ובבית עבדיך ובעמך ובתנורידך

^c We read one or more accents in L differently than BHS. Often this notation indicates a typographical error in BHS.

אלינו²⁴ ויאמר פרעה אנכי אשלח אתכם
וזבחתם ליהוה אלהיכם במדבר רק
הרחק לא תרחיקו ללכת העתירו
בעדי²⁵ ויאמר משה הנה אנכי יוצא
מעמד והעתרתי אל יהוה וסר הערב
מפרעה מעבדיו ומעמו מחר רק אל יסף
פרעה התל לבלתי שלח את העם לזבח
ליהוה²⁶ ויצא משה מעם פרעה ויעתר
אל יהוה²⁷ ויעש יהוה כדבר משה ויסר
הערב מפרעה מעבדיו ומעמו לא נשאר
אחד²⁸ ויכבד פרעה את לבו גם בפעם
הזאת ולא שלח את העם פ

9 ויאמר יהוה אל משה בא אל פרעה
ודברת אליו כה אמר יהוה אלהי העברים
שלח את עמי ויעבדני² כי אם מאן אתה
לשלח ועודך מחזיק במ³ הנה יד יהוה
הויה במקנך אשר בשדה בסוסים
בחמרים בגמלים בבקר ובצאן דבר כבד
מאד⁴ והפלה יהוה בין מקנה ישראל ובין
מקנה מצרים ולא ימות מכל לבני ישראל
דבר⁵ וישם יהוה מועד לאמר מחר יעשה
יהוה הדבר הזה בארץ⁶ ויעש יהוה את
הדבר הזה ממחרת וימת כל מקנה
מצרים וממקנה בני ישראל לא מת
אחד⁷ וישלח פרעה והנה לא מת ממקנה
ישראל עד אחד ויכבד לב פרעה ולא
שלח את העם פ
⁸ ויאמר יהוה אל משה ואל אהרן קחו

מטך והך את עפר הארץ והיה לכנם בכל
ארץ מצרים¹³ ויעשו כן ויט אהרן את ידו
במטהו ויך את עפר הארץ ותהי הכנם
באדם ובבהמה כל עפר הארץ היה כנים
בכל ארץ מצרים¹⁴ ויעשו כן החרטמים
בלטיהם להוציא את הכנים ולא יכלו
ותהי הכנם באדם ובבהמה¹⁵ ויאמרו
החרטמים אל פרעה אצבע אלהים הוא
ויחזק לב פרעה ולא שמע אלהם כאשר
דבר יהוה פ¹⁶ ויאמר יהוה אל משה
השכם בבקר והתיצב לפני פרעה הנה
יוצא המימה ואמרת אליו כה אמר יהוה
שלח עמי ויעבדני¹⁷ כי אם אינך משלח
את עמי הנני משליח בך ובעבדיך ובעמך
ובבתיך את הערב ומלאו בתי מצרים את
הערב וגם האדמה אשר הם
עליה¹⁸ והפליתי ביום ההוא את ארץ גשן
אשר עמי עמד עליה לבלתי היות שם
ערב למען תדע כי אני יהוה בקרב
הארץ¹⁹ ושמתי פדת בין עמי ובין עמך
למחר יהיה האת הזה²⁰ ויעש יהוה כן
ויבא ערב כבד ביתה פרעה ובית עבדיו
ובכל ארץ מצרים תשחת הארץ מפני
הערב²¹ ויקרא פרעה אל משה ולאחר
ויאמר לכו זבחו לאלהיכם
בארץ²² ויאמר משה לא נכון לעשות כן
כי תועבת מצרים נזבח ליהוה אלהינו הן
נזבח את תועבת מצרים לעיניהם ולא
יסקלנו²³ דרך שלשת ימים נלך במדבר
וזבחנו ליהוה אלהינו כאשר יאמר

פרעה הניס את עבדיו ואת מקנהו אל הבתים²¹ ואשר לא שם לבו אל דבר יהוה ויעזב את עבדיו ואת מקנהו בשדה פ

²² ויאמר יהוה אל משה נטה את ידך על השמים ויהי ברד בכל ארץ מצרים על האדם ועל הבהמה ועל כל עשב השדה בארץ מצרים²³ ויט משה את מטהו על השמים ויהוה נתן קלת וברד ותהלך אש ארצה וימטר יהוה ברד על ארץ מצרים²⁴ ויהי ברד ואש מתלקחת בתוך הברד כבד מאד אשר לא היה כמהו בכל ארץ מצרים מאז היתה לגוי²⁵ ויך הברד בכל ארץ מצרים את כל אשר בשדה מאדם ועד בהמה ואת כל עשב השדה הכה הברד ואת כל עץ השדה שבר²⁶ רק בארץ גשן אשר שם בני ישראל לא היה ברד²⁷ וישלח פרעה ויקרא למשה ולאהרן ויאמר אלהים חטאתי הפעם יהוה הצדיק ואני ועמי הרשעים²⁸ העתירו אל יהוה ורב מהית קלת אלהים וברד ואשלחה אתכם ולא תספון לעמד²⁹ ויאמר אליו משה כצאתי את העיר אפרש את כפי אל יהוה הקלות יחדלון והברד לא יהיה עוד למען תדע כי ליהוה הארץ³⁰ ואתה ועבדיך ידעתי כי טרם תיראון מפני יהוה אלהים³¹ והפשתה והשערה נכתה כי השערה אביב והפשתה גבעל³² והחטה

לכם מלא חפניכם פיה כבשן וזרקו משה השמימה לעיני פרעה⁹ והיה לאבק על כל ארץ מצרים והיה על האדם ועל הבהמה לשחין פרח אבעבעת בכל ארץ מצרים¹⁰ ויקחו את פיה הכבשן ויעמדו לפני פרעה ויזרק אתו משה השמימה ויהי שחין אבעבעת פרח באדם ובבהמה¹¹ ולא יכלו החרטמים לעמד לפני משה מפני השחין כי היה השחין בחרטמם ובכל מצרים¹² ויחזק יהוה את לב פרעה ולא שמע אלהים כאשר דבר יהוה אל משה פ ויאמר יהוה אל משה השכם בבקר והתיצב לפני פרעה ואמרת אליו כה אמר יהוה אלהי העברים שלח את עמי ויעבדני¹⁴ כי בפעם הזאת אני שלח את כל מגפתי אל לבך ובעבדיך ובעמך בעבור תדע כי אין כמני בכל הארץ¹⁵ כי עתה שלחתי את ידי ואך אותך ואת עמך בדבר ותכחד מן הארץ¹⁶ ואולם בעבור זאת העמדתיך בעבור הראתך את כחי ולמען ספר שמי בכל הארץ¹⁷ עודך מסתולל בעמי לבלתי שלחם¹⁸ הנני ממטיר כעת מחר ברד כבד מאד אשר לא היה כמהו במצרים למן היום הוסדה ועד עתה¹⁹ ועתה שלח העז את מקנך ואת כל אשר לך בשדה כל האדם והבהמה אשר ימצא בשדה ולא יאסף הביתה וירד עליהם הברד ומתו²⁰ הירא את דבר יהוה מעבדי

פרעה ⁷ ויאמרו עבדי פרעה אליו עד מתי יהיה זה לנו למוקש שלח את האנשים ויעבדו את יהוה אלהיהם הטרם תדע כי אבדה מצרים ⁸ ויושב את משה ואת אהרן אל פרעה ויאמר אלהם לכו עבדו את יהוה אלהיכם מי ומי ההלכים ⁹ ויאמר משה בנערינו ובזקנינו נלך בבנינו ובבנותנו בצאננו ובבקרנו נלך כי חג יהוה לנו ¹⁰ ויאמר אלהם יהי כן יהוה עמכם כאשר אשלח אתכם ואת טפכם ראו כי רעה נגד פניכם ¹¹ לא כן לכו נא הגברים ועבדו את יהוה כי אתה אתם מבקשים ויגרש אתם מאת פני פרעה ¹² ויאמר יהוה אל משה נטה ידך על ארץ מצרים בארבה ויעל על ארץ מצרים ויאכל את כל עשב הארץ את כל אשר השאיר הברד ¹³ ויט משה את מטהו על ארץ מצרים ויהוה נהג רוח קדים בארץ כל היום ההוא וכל הלילה הבקר היה ורוח הקדים נשא את הארבה ¹⁴ ויעל הארבה על כל ארץ מצרים וינח בכל גבול מצרים כבד מאד לפניו לא היה כן ארבה כמהו ואחריו לא יהיה כן ¹⁵ ויכס את עין כל הארץ ותחשך הארץ ויאכל את כל עשב הארץ ואת כל פרי העץ אשר הותיר הברד ולא נותר כל ירק בעץ ובעשב השדה בכל ארץ מצרים ¹⁶ וימהר פרעה לקרא למשה ולאהרן ויאמר חטאתי ליהוה אלהיכם ולכם ¹⁷ ועתה שא נא חטאתי אך הפעם והעתירו ליהוה

והכסמת לא נכו כי אפילת הנה ³³ ויצא משה מעם פרעה את העיר ויפרש כפיו אל יהוה ויחדלו הקלות והברד ומטר לא נתך ארצה ³⁴ וירא פרעה כי חדל המטר והברד והקלת ויסף לחטא ויכבד לבו הוא ועבדיו ³⁵ ויחזק לב פרעה ולא שלח את בני ישראל כאשר דבר יהוה ביד משה ^פ

10 ויאמר יהוה אל משה בא אל פרעה כי אני הכבדתי את לבו ואת לב עבדיו למען שתי אתתי אלה בקרבן ² ולמען תספר באזני בנך ובן בנך את אשר התעללתי במצרים ואת אתתי אשר שמתי בם וידעתם כי אני יהוה ³ ויבא משה ואהרן אל פרעה ויאמרו אליו כה אמר יהוה אלהי העברים עד מתי מאנת לענת מפני שלח עמי ויעבדני ⁴ כי אם מאן אתה לשלח את עמי הנני מביא מחר ארבה בגבלך ⁵ וכסה את עין הארץ ולא יוכל לראת את הארץ ואכל את יתר הפלטה הנשארת לכם מן הברד ואכל את כל העץ הצמח לכם מן השדה ⁶ ומלאו בתיך ובתי כל עבדיך ובתי כל מצרים אשר לא ראו אבתיך ואבות אבתיך מיום היותם על האדמה עד היום הזה ויפן ויצא מעם

c We read one or more accents in L differently than BHS. Often this notation indicates a typographical error in BHS.

ישלח אתכם מזה כשלתו כלה גרש יגרש
אתכם מזה² דבר נא באזני העם וישאלו
איש מאת רעהו ואשה מאת רעותה כלי
כסף וכלי זהב³ ויתן יהוה את חן העם
בעיני מצרים גם האיש משה גדול מאד
בארץ מצרים בעיני עבדי פרעה ובעיני
העם ם⁴ ויאמר משה כה אמר יהוה
כחצת הלילה אני יוצא בתוך
מצרים⁵ ומת כל בכור בארץ מצרים
מבכור פרעה הישב על כסאו עד בכור
השפחה אשר אחר הרחים וכל בכור
בהמה⁶ והיתה צעקה גדלה בכל ארץ
מצרים אשר כמהו לא נהיתה וכמהו לא
תסף⁷ ולכל בני ישראל לא יחרץ כלב
לשנו למאיש ועד בהמה למען תדעון
אשר יפלה יהוה בין מצרים ובין
ישראל⁸ וירדו כל עבדיך אלה אלי
והשתחוו לי לאמר צא אתה וכל העם
אשר ברגליך ואחרי כן אצא ויצא מעם
פרעה בחרי אף ם⁹ ויאמר יהוה אל
משה לא ישמע אליכם פרעה למען רבות
מופתי בארץ מצרים¹⁰ ומשה ואהרן עשו
את כל המפתים האלה לפני פרעה ויחזק
יהוה את לב פרעה ולא שלח את בני
ישראל מארצו ף

12 ויאמר יהוה אל משה ואל אהרן
בארץ מצרים לאמר² החדש הזה לכם
ראש חדשים ראשון הוא לכם לחדשי

אלהיכם ויסר מעלי רק את המות
הזה¹⁸ ויצא מעם פרעה ויעתר אל
יהוה¹⁹ ויהפך יהוה רוח ים חזק מאד
וישא את הארבה ויתקעהו ימה סוף לא
נשאר ארבה אחד בכל גבול
מצרים²⁰ ויחזק יהוה את לב פרעה ולא
שלח את בני ישראל ף
²¹ ויאמר יהוה אל משה נטה ידך על
השמים ויהי חשך על ארץ מצרים וימש
חשך²² ויט משה את ידו על השמים ויהי
חשך אפלה בכל ארץ מצרים שלשת
ימים²³ לא ראו איש את אחיו ולא קמו
איש מתחתיו שלשת ימים ולכל בני
ישראל היה אור במושבתם²⁴ ויקרא
פרעה אל משה ויאמר לכו עבדו את
יהוה רק צאנכם ובקרכם יצג גם טפכם
ילך עמכם²⁵ ויאמר משה גם אתה תתן
בידנו זבחים ועלות ועשינו ליהוה
אלהינו²⁶ וגם מקננו ילך עמנו לא תשאר
פרסה כי ממנו נקח לעבד את יהוה
אלהינו ואנחנו לא נדע מה נעבד את
יהוה עד באנו שמה²⁷ ויחזק יהוה את לב
פרעה ולא אבה לשלחם²⁸ ויאמר לו
פרעה לך מעלי השמר לך אל תסף ראות
פני כי ביום ראתך פני תמות²⁹ ויאמר
משה כן דברת לא אסף עוד ראות פניך ף

11 ויאמר יהוה אל משה עוד נגע אחד
אביא על פרעה ועל מצרים אחרי כן

עולם תחגהו¹⁵ שבעת ימים מצות תאכלו
 אך ביום הראשון תשביתו שאר מבתים
 כי כל אכל חמץ ונכרתה הנפש ההוא
 מישראל מיום הראשון עד יום
 השבעי¹⁶ וביום הראשון מקרא קדש
 וביום השביעי מקרא קדש יהיה לכם כל
 מלאכה לא יעשה בהם אך אשר יאכל
 לכל נפש הוא לבדו יעשה
 לכם¹⁷ ושמרתם את המצות כי בעצם
 היום הזה הוצאתי את צבאותיכם מארץ
 מצרים ושמרתם את היום הזה לדרתיכם
 חקת עולם¹⁸ בראשון בארבעה עשר יום
 לחדש בערב תאכלו מצת עד יום האחד
 ועשרים לחדש בערב¹⁹ שבעת ימים
 שאר לא ימצא בבתיכם כי כל אכל
 מחמצת ונכרתה הנפש ההוא מעדת
 ישראל בגר ובאזרח הארץ²⁰ כל מחמצת
 לא תאכלו בכל מושבתיכם תאכלו
 מצות פ

²¹ ויקרא משה לכל זקני ישראל ויאמר
 אלהם משכו וקחו לכם צאן למשפחתיכם
 ושחטו הפסח²² ולקחתם אגדת אזוב
 וטבלתם בדם אשר בסף והגעתם אל
 המשקוף ואל שתי המזוזות מן הדם אשר
 בסף ואתם לא תצאו איש מפתח ביתו
 עד בקר²³ ועבר יהוה לנגף את מצרים
 וראה את הדם על המשקוף ועל שתי
 המזוזות ופסח יהוה על הפתח ולא יתן
 המשחית לבא אל בתיכם
 לנגף²⁴ ושמרתם את הדבר הזה לחק לך

השנה³ דברו אל כל עדת ישראל לאמר
 בעשר לחדש הזה ויקחו להם איש שה
 לבית אבת שה לבית⁴ ואם ימעט הבית
 מהית משה ולקח הוא ושכנו הקרב אל
 ביתו במכסת נפשת איש לפי אכלו תכסו
 על השה⁵ שה תמים זכר בן שנה יהיה
 לכם מן הכבשים ומן העזים תקחו⁶ והיה
 לכם למשמרת עד ארבעה עשר יום
 לחדש הזה ושחטו אתו כל קהל עדת
 ישראל בין הערבים⁷ ולקחו מן הדם
 ונתנו על שתי המזוזות ועל המשקוף על
 הבתים אשר יאכלו אתו בהם⁸ ואכלו את
 הבשר בלילה הזה צלי אש ומצות על
 מררים יאכלהו⁹ אל תאכלו ממנו נא
 ובשל מבשל במים כי אם צלי אש ראשו
 על כרעיו ועל קרבו¹⁰ ולא תותירו ממנו
 עד בקר והנתר ממנו עד בקר באש
 תשרפו¹¹ וככה תאכלו אתו מתניכם
 חגרים נעליכם ברגליכם ומקלכם בידכם
 ואכלתם אתו בחפזון פסח הוא
 ליהוה¹² ועברתי בארץ מצרים בלילה
 הזה והכיתי כל בכור בארץ מצרים
 מאדם ועד בהמה ובכל אלהי מצרים
 אעשה שפטים אני יהוה¹³ והיה הדם
 לכם לאת על הבתים אשר אתם שם
 וראיתי את הדם ופסחתי עלכם ולא יהיה
 בכם נגף למשחית בהכתי בארץ
 מצרים¹⁴ והיה היום הזה לכם לזכרון
 וחגתם אתו חג ליהוה לדרתיכם חקת

כשש מאות אלף רגלי הגברים לבד
 מטף³⁸ וגם ערב רב עלה אתם וצאן ובקר
 מקנה כבד מאד³⁹ ויאפו את הבצק אשר
 הוציאו ממצרים עגת מצות כי לא חמץ
 כי גרשו ממצרים ולא יכלו להתמהמה
 וגם צדה לא עשו להם⁴⁰ ומושב בני
 ישראל אשר ישבו במצרים שלשים שנה
 וארבע מאות שנה⁴¹ ויהי מקץ שלשים
 שנה וארבע מאות שנה ויהי בעצם היום
 הזה יצאו כל צבאות יהוה מארץ
 מצרים⁴² ליל שמרים הוא ליהוה
 להוציאם מארץ מצרים הוא הלילה הזה
 ליהוה שמרים לכל בני ישראל לדרתם פ
⁴³ ויאמר יהוה אל משה ואהרן זאת חקת
 הפסח כל בן נכר לא יאכל בו⁴⁴ וכל עבד
 איש מקנת כסף ומלתה אתו אז יאכל
 בו⁴⁵ תושב ושכיר לא יאכל בו⁴⁶ בבית
 אחד יאכל לא תוציא מן הבית מן הבשר
 חוצה ועצם לא תשברו בו⁴⁷ כל עדת
 ישראל יעשו אתו⁴⁸ וכי יגור אתך גר
 ועשה פסח ליהוה המול לו כל זכר ואז
 יקרב לעשתו והיה כאזרח הארץ וכל
 ערל לא יאכל בו⁴⁹ תורה אחת יהיה
 לאזרח ולגר הגר בתוכם⁵⁰ ויעשו כל בני
 ישראל כאשר צוה יהוה את משה ואת
 אהרן כן עשו פ ויהי בעצם היום
 הזה הוציא יהוה את בני ישראל מארץ
 מצרים על צבאתם פ

ולבניך עד עולם²⁵ והיה כי תבאו אל
 הארץ אשר יתן יהוה לכם כאשר דבר
 ושמרתם את העבדה הזאת²⁶ והיה כי
 יאמרו אליכם בניכם מה העבדה הזאת
 לכם²⁷ ואמרתם זבח פסח הוא ליהוה
 אשר פסח על בתי בני ישראל במצרים
 בנגפו את מצרים ואת בתינו הציל ויקד
 העם וישתחוו²⁸ וילכו ויעשו בני ישראל
 כאשר צוה יהוה את משה ואהרן כן
 עשו פ ויהי בחצי הלילה והיה הכה
 כל בכור בארץ מצרים מבכר פרעה
 הישב על כסאו עד בכור השבי אשר
 בבית הבור וכל בכור בהמה³⁰ ויקם
 פרעה לילה הוא וכל עבדיו וכל מצרים
 ותהי צעקה גדלה במצרים כי אין בית
 אשר אין שם מת³¹ ויקרא למשה ולאהרן
 לילה ויאמר קומו צאו מתוך עמי גם אתם
 גם בני ישראל ולכו עבדו את יהוה
 כדברכם³² גם צאנכם גם בקרכם קחו
 כאשר דברתם ולכו וברכתם גם
 אתי³³ ותחזק מצרים על העם למהר
 לשלחם מן הארץ כי אמרו כלנו
 מתים³⁴ וישא העם את בצקו טרם יחמץ
 משארתם צררת בשמלתם על
 שכמם³⁵ ובני ישראל עשו כדבר משה
 וישאלו ממצרים כלי כסף וכלי זהב
 ושמלת³⁶ ויהוה נתן את חן העם בעיני
 מצרים וישאלום וינצלו את מצרים פ
³⁷ ויסעו בני ישראל מרעמסס סכתה

מבית עבדים¹⁵ ויהי כי הקשה פרעה לשלחנו ויהרג יהוה כל בכור בארץ מצרים מבכר אדם ועד בכור בהמה על כן אני זבח ליהוה כל פטר רחם הזכרים וכל בכור בני אפדה¹⁶ והיה לאות על ידכה ולטוטפת בין עיניך כי בחזק יד הוציאנו יהוה ממצרים ם¹⁷ ויהי בשלח פרעה את העם ולא נחם אלהים דרך ארץ פלשתים כי קרוב הוא כי אמר אלהים פן ינחם העם בראתם מלחמה ושבו מצרימה¹⁸ ויסב אלהים את העם דרך המדבר ים סוף וחמשים עלו בני ישראל מארץ מצרים¹⁹ ויקח משה את עצמות יוסף עמו כי השבע השביע את בני ישראל לאמרפקד אלהים אתכם והעליתם את עצמתי מזה אתכם²⁰ ויסעו מסכת ויחנו באתם בקצה המדבר²¹ ויהוה הלך לפניו יומם בעמוד ענן לנחתם הדרך ולילה בעמוד אש להאיר להם ללכת יומם ולילה²² לא ימיש עמוד הענן יומם ועמוד האש לילה לפני העם פ

14 וידבר יהוה אל משה לאמר² דבר אל בני ישראל וישבו ויחנו לפני פי החירת בין מגדל ובין הים לפני בעל צפן נכחו תחנו על הים³ ואמר פרעה לבני ישראל נבכים הם בארץ סגר עליהם המדבר⁴ וחזקתי את לב פרעה ורדף

13 וידבר יהוה אל משה לאמר² קדש לי כל בכור פטר כל רחם בבני ישראל באדם ובבהמה לי הוא³ ויאמר משה אל העם זכור את היום הזה אשר יצאתם ממצרים מבית עבדים כי בחזק יד הוציא יהוה אתכם מזה ולא יאכל חמץ⁴ היום אתם יצאים בחדש האביב⁵ והיה כי יביאך יהוה אל ארץ הכנעני והחתי והאמרי והחוי והיבوسی אשר נשבע לאבתך לתת לך ארץ זבת חלב ודבש ועבדת את העבדה הזאת בחדש הזה⁶ שבעת ימים תאכל מצת וביום השביעי חג ליהוה⁷ מצות יאכל את שבעת הימים ולא יראה לך חמץ ולא יראה לך שאר בכל גבלך⁸ והגדת לבנך ביום ההוא לאמר בעבור זה עשה יהוה לי בצאתי ממצרים⁹ והיה לך לאות על ידך ולזכרון בין עיניך למען תהיה תורת יהוה בפיך כי ביד חזקה הוצאך יהוה ממצרים¹⁰ ושמרת את החקה הזאת למועדה מימים ימימה ם¹¹ והיה כי יבאך יהוה אל ארץ הכנעני כאשר נשבע לך ולאבתך ונתנה לך¹² והעברת כל פטר רחם ליהוה וכל פטר שגר בהמה אשר יהיה לך הזכרים ליהוה¹³ וכל פטר חמר תפדה בשה ואם לא תפדה וערפתו וכל בכור אדם בבניך תפדה¹⁴ והיה כי ישאלך בנך מחר לאמר מה זאת ואמרת אליו בחזק יד הוציאנו יהוה ממצרים

דבר אל בני ישראל ויסעו¹⁶ ואתה הרם את מטך ונטה את ידך על הים ובקעהו ויבאו בני ישראל בתוך הים ביבשה¹⁷ ואני הנני מחזק את לב מצרים ויבאו אחריהם ואכבדה בפרעה ובכל חילו ברכבו ובפרשיו¹⁸ וידעו מצרים כי אני יהוה בהכבדי בפרעה ברכבו ובפרשיו¹⁹ ויסע מלאך האלהים ההלך לפני מחנה ישראל וילך מאחריהם ויסע עמוד הענן מפניהם ויעמד מאחריהם²⁰ ויבא בין מחנה מצרים ובין מחנה ישראל ויהי הענן והחשך ויאר את הלילה ולא קרב זה אל זה כל הלילה²¹ ויט משה את ידו על הים ויולך יהוה את הים ברוח קדים עזה כל הלילה וישם את הים לחרבה ויבקעו המים²² ויבאו בני ישראל בתוך הים ביבשה והמים להם חמה מימינם ומשמאלם²³ וירדפו מצרים ויבאו אחריהם כל סוס פרעה רכבו ופרשיו אל תוך הים²⁴ ויהי באשמרת הבקר וישקף יהוה אל מחנה מצרים בעמוד אש וענן ויהם את מחנה מצרים²⁵ ויסר את אפן מרכבתיו וינהגו בכבדת ויאמר מצרים אנוסה מפני ישראל כי יהוה נלחם להם במצרים¹

^פ ויאמר יהוה אל משה נטה את ידך על הים וישבו המים על מצרים על רכבו ועל

1 BHS has been faithful to the Leningrad Codex where there might be a question of the validity of the form and we keep the same form as BHS.

אחריהם ואכבדה בפרעה ובכל חילו וידעו מצרים כי אני יהוה ויעשו כן⁵ ויגד למלך מצרים כי ברח העם ויהפך לבב פרעה ועבדיו אל העם ויאמרו מה זאת עשינו כי שלחנו את ישראל מעבדנו⁶ ויאסר את רכבו ואת עמו לקח עמו⁷ ויקח שש מאות רכב בחור וכל רכב מצרים ושלשם על כלו⁸ ויחזק יהוה את לב פרעה מלך מצרים וירדף אחרי בני ישראל ובני ישראל יצאים ביד רמה⁹ וירדפו מצרים אחריהם וישיגו אותם חנים על הים כל סוס רכב פרעה ופרשיו וחילו על פי החירת לפני בעל צפן¹⁰ ופרעה הקריב וישאו בני ישראל את עיניהם והנה מצרים נסע אחריהם וייראו מאד ויצעקו בני ישראל אל יהוה¹¹ ויאמרו אל משה המבלי אין קברים במצרים לקחתנו למות במדבר מה זאת עשית לנו להוציאנו ממצרים¹² הלא זה הדבר אשר דברנו אליך במצרים לאמר חדל ממנו ונעבדה את מצרים כי טוב לנו עבד את מצרים ממתנו במדבר¹³ ויאמר משה אל העם אל תיראו התיצבו וראו את ישועת יהוה אשר יעשה לכם היום כי אשר ראיתם את מצרים היום לא תסיפו לראתם עוד עד עולם¹⁴ יהוה ילחם לכם ואתם תחרישון ^פ

¹⁵ ויאמר יהוה אל משה מה תצעק אלי

ים⁹ אמר אויב ארדף אשיג אחלק שלל
 תמלאמו נפשי אריק חרבי תורישמו
 ידי¹⁰ נשפת ברוחך כסמו ים צללו
 כעופרת במים אדירים¹¹ מי כמכה באלם
 יהוה מי כמכה נאדר בקדש נורא תהלת
 עשה פלא¹² נטית ימינך תבלעמו
 ארץ¹³ נחית בחסדך עם זו גאלת נהלת
 בעזך אל נזה קדשך¹⁴ שמעו עמים ירגזון
 חיל אחזי ישבי פלשת¹⁵ אז נבהלו אלופי
 אדום אילי מואב יאחזמו רעד נמגו כל
 ישבי כנען¹⁶ תפל עליהם אימתה ופחד
 בגדל זרועך ידמו כאבן עד יעבר עמך
 יהוה עד יעבר עם זו קנית¹⁷ תבאמו
 ותטעמו בהר נחלתך מכון לשבתך פעלת
 יהוה מקדש אדני כוננו ידיך¹⁸ יהוה ימלך
 לעלם ועד¹⁹ כי בא סוס פרעה ברכבו
 ובפרשיו בים וישב יהוה עליהם את מי
 הים וביני ישראל הלכו ביבשה בתוך
 הים פ
²⁰ ותקח מרים הנביאה אחות אהרן את
 התף בידה ותצאן כל הנשים אחריה
 בתפים ובמחלת²¹ ותען להם מרים שירו
 ליהוה כי גאה גאה סוס ורכבו רמה
 בים ס ויסע משה את ישראל מים
 סוף ויצאו אל מדבר שור וילכו שלשת
 ימים במדבר ולא מצאו מים²³ ויבאו
 מרתה ולא יכלו לשתת מים ממרה כי
 מרים הם על כן קרא שמה מרה²⁴ וילנו
 העם על משה לאמר מה נשתה²⁵ ויצעק

פרשיו²⁷ ויט משה את ידו על הים וישב
 הים לפנות בקר לאיתנו ומצרים נסים
 לקראתו וינער יהוה את מצרים בתוך
 הים²⁸ וישבו המים ויכסו את הרכב ואת
 הפרשים לכל חיל פרעה הבאים אחריהם
 בים לא נשאר בהם עד אחד²⁹ ובני
 ישראל הלכו ביבשה בתוך הים והמים
 להם חמה מימינם ומשמאלם¹ ויושע
 יהוה ביום ההוא את ישראל מיד מצרים
 וירא ישראל את מצרים מת על שפת
 הים³¹ וירא ישראל את היד הגדלה אשר
 עשה יהוה במצרים וייראו העם את יהוה
 ויאמינו ביהוה ובמשה עבדו פ

15 אז ישיר משה ובני ישראל את
 השירה הזאת ליהוה ויאמרו לאמר
 אשירה ליהוה כי גאה גאה סוס ורכבו
 רמה בים² עזי וזמרת יה ויהי לי לישועה
 זה אלי ואנוהו אלהי אבי
 וארממנהו³ יהוה איש מלחמה יהוה
 שמו⁴ מרכבת פרעה וחילו ירה בים
 ומבחר שלשיו טבעו בים סוף⁵ תהמת
 יכסימו ירדו במצולת כמו אבן⁶ ימינך
 יהוה נאדרי בכח ימינך יהוה תרעץ
 אויב⁷ וברב גאונך תהרס קמיד תשלח
 חרנך יאכלמו כקש⁸ וברוח אפיך נערמו
 מים נצבו כמו נד נזלים קפאו תהמת בלב

1 BHS has been faithful to the Leningrad Codex where there might be a question of the validity of the form and we keep the same form as BHS.

משה בתת יהוה לכם בערב בשר לאכל
 ולחם בבקר לשבע בשמע יהוה את
 תלנתיכם אשר אתם מלינים עליו ונחנו
 מה לא עלינו תלנתיכם כי על
 יהוה⁹ ויאמר משה אל אהרן אמר אל כל
 עדת בני ישראל קרבו לפני יהוה כי שמע
 את תלנתיכם¹⁰ ויהי כדבר אהרן אל כל
 עדת בני ישראל ויפנו אל המדבר והנה
 כבוד יהוה נראה בענן פ
¹¹ וידבר יהוה אל משה לאמר¹² שמעתי
 את תלונת בני ישראל דבר אלהם לאמר
 בין הערבים תאכלו בשר ובבקר תשבעו
 לחם וידעתם כי אני יהוה אלהיכם¹³ ויהי
 בערב ותעל השלו ותכס את המחנה
 ובבקר היתה שכבת הטל סביב
 למחנה¹⁴ ותעל שכבת הטל והנה על פני
 המדבר דק מחספס דק ככפר על
 הארץ¹⁵ ויראו בני ישראל ויאמרו איש
 אל אחיו מן הוא כי לא ידעו מה הוא
 ויאמר משה אלהם הוא הלחם אשר נתן
 יהוה לכם לאכלה¹⁶ זה הדבר אשר צוה
 יהוה לקטו ממנו איש לפי אכלו עמר
 לגלגלת מספר נפשתיכם איש לאשר
 באהלו תקחו¹⁷ ויעשו כן בני ישראל
 וילקטו המרבה והממעט¹⁸ וימדו בעמר
 ולא העדיף המרבה והממעט לא החסיר
 איש לפי אכלו לקטו¹⁹ ויאמר משה
 אלהם איש אל יותר ממנו עד בקר²⁰ ולא
 שמעו אל משה ויותרו אנשים ממנו עד
 בקר וירם תולעים ויבאש ויקצף עליהם

אל יהוה ויורהו יהוה עץ וישלך אל המים
 וימתקו המים שם שם לו חק ומשפט
 ושם נסהו²⁶ ויאמר אם שמוע תשמע
 לקול יהוה אלהיך והישר בעיניו תעשה
 והאזנת למצותיו ושמרת כל חקיו כל
 המחלה אשר שמת במצרים לא אשים
 עליך כי אני יהוה רפאך ׀²⁷ ויבאו
 אילמה ושם שתיים עשרה עינת מים
 ושבעים תמרים ויחנו שם על המים

16 ויסעו מאילם ויבאו כל עדת בני
 ישראל אל מדבר סין אשר בין אילם ובין
 סיני בחמשה עשר יום לחדש השני
 לצאתם מארץ מצרים² וילינו וילונו כל
 עדת בני ישראל על משה ועל אהרן
 במדבר³ ויאמרו אלהם בני ישראל מי יתן
 מותנו ביד יהוה בארץ מצרים בשבתנו
 על סיר הבשר באכלנו לחם לשבע כי
 הוצאתם אתנו אל המדבר הזה להמית
 את כל הקהל הזה ברעב ׀⁴ ויאמר
 יהוה אל משה הנני ממטיר לכם לחם מן
 השמים ויצא העם ולקטו דבר יום ביומו
 למען אנסנו הילך בתורתך אם לא⁵ והיה
 ביום הששי והכינו את אשר יביאו והיה
 משנה על אשר ילקטו יום
 יום ׀⁶ ויאמר משה ואהרן אל כל בני
 ישראל ערב וידעתם כי יהוה הוציא
 אתכם מארץ מצרים⁷ ובקר וראיתם את
 כבוד יהוה בשמעו את תלנתיכם על יהוה
 ונחנו מה כי תלונו תלינו עלינו⁸ ויאמר

והנח אתו לפני יהוה למשמרת
 לדרתיכם³⁴ כאשר צוה יהוה אל משה
 ויניחו אהרן לפני העדת
 למשמרת³⁵ ובני ישראל אכלו את המן
 ארבעים שנה עד באם אל ארץ נושבת
 את המן אכלו עד באם אל קצה ארץ
 כנען³⁶ והעמר עשרית האיפה הוא פ

17 ויסעו כל עדת בני ישראל ממדבר
 סין למסעיהם על פי יהוה ויחנו ברפידים
 ואין מים לשתת העם² וירב העם עם
 משה ויאמרו תנו לנו מים ונשתה ויאמר
 להם משה מה תריבון עמדי מה תנסון
 את יהוה³ ויצמא שם העם למים וילן
 העם על משה ויאמר למה זה העליתנו
 ממצרים להמית אתי ואת בני ואת מקני
 בצמא⁴ ויצעק משה אל יהוה לאמר מה
 אעשה לעם הזה עוד מעט
 וסקלני⁵ ויאמר יהוה אל משה עבר לפני
 העם וקח אתך מזקני ישראל ומטך אשר
 הכית בו את היאר קח בידך
 והלכת⁶ הנני עמד לפניך שם על הצור
 בחרב והכית בצור ויצאו ממנו מים
 ושתה העם ויעש כן משה לעיני זקני
 ישראל⁷ ויקרא שם המקום מסה ומריבה
 על ריב בני ישראל ועל נסתם את יהוה
 לאמר היש יהוה בקרבנו אם אין פ
⁸ ויבא עמלק וילחם עם ישראל
 ברפידים⁹ ויאמר משה אל יהושע בחר

משה²¹ וילקטו אתו בבקר בבקר איש
 כפי אכלו וחס השמש ונמס²² ויהי ביום
 הששי לקטו לחם משנה שני העמר
 לאחד ויבאו כל נשיאי העדה ויגידו
 למשה²³ ויאמר אלהם הוא אשר דבר
 יהוה שבתון שבת קדש ליהוה מחר את
 אשר תאפו אפו ואת אשר תבשלו בשלו
 ואת כל העדף הניחו לכם למשמרת עד
 הבקר²⁴ ויניחו אתו עד הבקר כאשר צוה
 משה ולא הבאיש ורמה לא היתה
 בו²⁵ ויאמר משה אכלהו היום כי שבת
 היום ליהוה היום לא תמצאהו
 בשדה²⁶ ששת ימים תלקטהו וביום
 השביעי שבת לא יהיה בו²⁷ ויהי ביום
 השביעי יצאו מן העם ללקט ולא
 מצאו ס²⁸ ויאמר יהוה אל משה עד
 אנה מאנתם לשמר מצותי ותורת²⁹ ראו
 כי יהוה נתן לכם השבת על כן הוא נתן
 לכם ביום הששי לחם יומים שבו איש
 תחתיו אל יצא איש ממקומו ביום
 השביעי³⁰ וישבתו העם ביום
 השביעי³¹ ויקראו בית ישראל את שמו מן
 והוא כזרע גד לבן וטעמו כצפיחת
 בדבש³² ויאמר משה זה הדבר אשר צוה
 יהוה מלא העמר ממנו למשמרת
 לדרתיכם למען יראו את הלחם אשר
 האכלתי אתכם במדבר בהוציאי אתכם
 מארץ מצרים³³ ויאמר משה אל אהרן
 קח צנצנת אחת ותן שמה מלא העמר מן

יתרו בא אליך ואשתך ושני בניה
עמה⁷ ויצא משה לקראת חתנו וישתחו
וישק לו וישאלו איש לרעהו לשלום
ויבאו האלה⁸ ויספר משה לחתנו את
כל אשר עשה יהוה לפרעה ולמצרים על
אודת ישראל את כל התלאה אשר
מצאתם בדרך ויצלם יהוה⁹ ויחד יתרו על
כל הטובה אשר עשה יהוה לישראל
אשר הצילו מיד מצרים¹⁰ ויאמר יתרו
ברוך יהוה אשר הציל אתכם מיד מצרים
ומיד פרעה אשר הציל את העם מתחת
יד מצרים¹¹ עתה ידעתי כי גדול יהוה
מכל האלהים כי בדבר אשר זדו
עליהם¹² ויקח יתרו חתן משה עלה
וזבחים לאלהים ויבא אהרן וכל זקני
ישראל לאכל לחם עם חתן משה לפני
האלהים¹³ ויהי ממחרת וישב משה
לשפט את העם ויעמד העם על משה מן
הבקר עד הערב¹⁴ וירא חתן משה את
כל אשר הוא עשה לעם ויאמר מה הדבר
הזה אשר אתה עשה לעם מדוע אתה
יושב לבדך וכל העם נצב עליך מן בקר
עד ערב¹⁵ ויאמר משה לחתנו כי יבא
אלי העם לדרש אלהים¹⁶ כי יהיה להם
דבר בא אלי ושפטתי בין איש ובין רעהו
והודעתי את חקי האלהים ואת
תורתיו¹⁷ ויאמר חתן משה אליו לא טוב
הדבר אשר אתה עשה¹⁸ נבל תבל גם
אתה גם העם הזה אשר עמך כי כבד

לנו אנשים וצא הלחם בעמלק מחר אנכי
נצב על ראש הגבעה ומטה האלהים
בידי¹⁰ ויעש יהושע כאשר אמר לו משה
להלחם בעמלק ומשה אהרן וחור עלו
ראש הגבעה¹¹ והיה כאשר ירים משה
ידו וגבר ישראל וכאשר יניח ידו וגבר
עמלק¹² וידי משה כבדים ויקחו אבן
וישימו תחתיו וישב עליה ואהרן וחור
תמכו בידיו מזה אחד ומזה אחד ויהי ידיו
אמונה עד בא השמש¹³ ויחלש יהושע
את עמלק ואת עמו לפי חרב פ
ויאמר יהוה אל משה כתב זאת זכרון
בספר ושים באזני יהושע כי מחה אמתה
את זכר עמלק מתחת השמים¹⁵ ויבן
משה מזבח ויקרא שמו יהוה
נסי¹⁶ ויאמר כי יד על כס יה מלחמה
ליהוה בעמלק מדר דר פ

18 וישמע יתרו כהן מדין חתן משה
את כל אשר עשה אלהים למשה
ולישראל עמו כי הוציא יהוה את ישראל
ממצרים² ויקח יתרו חתן משה את
צפרה אשת משה אחר שלוחיה³ ואת
שני בניה אשר שם האחד גרשם כי אמר
גר הייתי בארץ נכריה⁴ ושם האחד
אליעזר כי אלהי אבי בעזרי ויצלני מחרב
פרעה⁵ ויבא יתרו חתן משה ובניו ואשתו
אל משה אל המדבר אשר הוא חנה שם
הר האלהים⁶ ויאמר אל משה אני חתנך

אליו יהוה מן ההר לאמר כה תאמר לבית יעקב ותגיד לבני ישראל⁴ אתם ראיתם אשר עשיתי למצרים ואשא אתכם על כנפי נשרים ואבא אתכם אלי⁵ ועתה אם שמוע תשמעו בקלי ושמרתם את בריתי והייתם לי סגלה מכל העמים כי לי כל הארץ⁶ ואתם תהיו לי ממלכת כהנים וגוי קדוש אלה הדברים אשר תדבר אל בני ישראל⁷ ויבא משה ויקרא לזקני העם וישם לפניהם את כל הדברים האלה אשר צוהו יהוה⁸ ויענו כל העם יחדו ויאמרו כל אשר דבר יהוה נעשה וישב משה את דברי העם אל יהוה⁹ ויאמר יהוה אל משה הנה אנכי בא אליך בעב הענן בעבור ישמע העם בדברי עמך וגם בך יאמינו לעולם ויגד משה את דברי העם אל יהוה¹⁰ ויאמר יהוה אל משה לך אל העם וקדשתם היום ומחר וכבסו שמלתם¹¹ והיו נכנים ליום השלישי כי ביום השלישי ירד יהוה לעיני כל העם על הר סיני¹² והגבלת את העם סביב לאמר השמרו לכם עלות בהר ונגע בקצהו כל הנגע בהר מות יומת¹³ לא תגע בו יד כי סקול יסקל או ירה יירה אם בהמה אם איש לא יחיה במשך היבל המה יעלו בהר¹⁴ וירד משה מן ההר אל העם ויקדש את העם וכבסו שמלתם¹⁵ ויאמר אל העם היו נכנים לשלשת ימים אל תגשו אל אשה¹⁶ ויהי

ממך הדבר לא תוכל עשהו לבדך¹⁹ עתה שמע בקלי איעצך ויהי אלהים עמך היה אתה לעם מול האלהים והבאת אתה את הדברים אל האלהים²⁰ והזהרתה אתה את החקים ואת התורת והודעת להם את הדרך ילכו בה ואת המעשה אשר יעשון²¹ ואתה תחזה מכל העם אנשי חיל יראי אלהים אנשי אמת שנאי בצע ושמת עליהם שרי אלפים שרי מאות שרי חמשים ושרי עשרת²² ושפטו את העם בכל עת והיה כל הדבר הגדל יביאו אליך וכל הדבר הקטן ישפטו הם והקל מעליך ונשאו אתך²³ אם את הדבר הזה תעשה וצוך אלהים ויכלת עמד וגם כל העם הזה על מקמו יבא בשלום²⁴ וישמע משה לקול חתנו ויעש כל אשר אמר²⁵ ויבחר משה אנשי חיל מכל ישראל ויתן אתם ראשים על העם שרי אלפים שרי מאות שרי חמשים ושרי עשרת²⁶ ושפטו את העם בכל עת את הדבר הקשה יביאון אל משה וכל הדבר הקטן ישפטו הם²⁷ וישלח משה את חתנו וילך לו אל ארצו פ

19 בחדש השלישי לצאת בני ישראל מארץ מצרים ביום הזה באו מדבר סיני² ויסעו מרפידים ויבאו מדבר סיני ויחנו במדבר ויחן שם ישראל נגד ההר³ ומשה עלה אל האלהים ויקרא

פני¹ ⁴ לא תעשה לך פסל¹ וכל תמונה
 אשר בשמים ממעל ואשר בארץ מתחת¹
 ואשר במים מתחת לארץ¹ ⁵ לא
 תשתחוה¹ להם ולא תעבדם כי אנכי
 יהוה אלהיך אל קנא פקד עון אבת על
 בנים על שלשים ועל רבעים
 לשנאי⁶ ועשה חסד לאלפים לאהבי
 ולשמרי מצותי ⁷ לא תשא את שם
 יהוה אלהיך לשוא כי לא ינקה יהוה את
 אשר ישא את שמו לשוא ⁸
 זכור את יום השבת לקדשו¹ ⁹ ששת
 ימים תעבד ועשית כל מלאכתך¹ ¹⁰ ויום
 השביעי שבת ליהוה אלהיך לא תעשה
 כל מלאכה אתה ובנך ובתך עבדך
 ואמתך ובהמתך וגרך אשר בשעריך¹

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

ביום השלישי בהית הבקר ויהי קלת
 וברקים וענן כבד על ההר וקל שפר חזק
 מאד ויחרד כל העם אשר
 במחנה¹⁷ ויוצא משה את העם לקראת
 האלהים מן המחנה ויתיצבו בתחתית
 ההר¹⁸ והר סיני עשן כלו מפני אשר ירד
 עליו יהוה באש ויעל עשנו כעשן הכבשן
 ויחרד כל ההר מאד¹⁹ ויהי קול השופר
 הולך וחזק מאד משה ידבר והאלהים
 יעננו בקול²⁰ וירד יהוה על הר סיני אל
 ראש ההר ויקרא יהוה למשה אל ראש
 ההר ויעל משה²¹ ויאמר יהוה אל משה
 רד העד בעם פן יהרסו אל יהוה לראות
 ונפל ממנו רב²² וגם הכהנים הנגשים אל
 יהוה יתקדשו פן יפרץ בהם
 יהוה²³ ויאמר משה אל יהוה לא יוכל
 העם לעלת אל הר סיני כי אתה העדתה
 בנו לאמר הגבל את ההר
 וקדשתו²⁴ ויאמר אליו יהוה לך רד ועלית
 אתה ואהרן עמך והכהנים והעם אל
 יהרסו לעלת אל יהוה פן יפרץ במ²⁵ וירד
 משה אל העם ויאמר אלהים ⁵

20 וידבר אלהים את כל הדברים

האלה לאמר ⁵ ² אנכי יהוה אלהיך
 אשר הוצאתיך מארץ מצרים מבית
 עבדים³ לא יהיה לך¹ אלהים אחרים על

1 BHS has been faithful to the Leningrad Codex where there might be a question of the validity of the form and we keep the same form as BHS.

לא תבנה אתהן גזית כי חרבך הנפת עליה ותחללה²⁶ ולא תעלה במעלת על מזבחי אשר לא תגלה ערותך עליו פ

21 ואלה המשפטים אשר תשים לפניהם² כי תקנה עבד עברי שש שנים יעבד ובשבעת יצא לחפשי חנם³ אם בגפו יבא בגפו יצא אם בעל אשה הוא ויצאה אשתו עמו⁴ אם אדניו יתן לו אשה וילדה לו בנים או בנות האשה וילדיה תהיה לאדניה והוא יצא בגפו⁵ ואם אמר יאמר העבד אהבתי את אדני את אשתי ואת בני לא אצא חפשי⁶ והגישו אדניו אל האלהים והגישו אל הדלת או אל המזוזה ורצע אדניו את אזנו במרצע ועבדו לעלם פ⁷ וכי ימכר איש את בתו לאמה לא תצא כצאת העבדים⁸ אם רעה בעיני אדניה אשר לא לו יעדה והפדה לעם נכרי לא ימשל למכרה בבגדו בה⁹ ואם לבנו ייעדנה כמשפט הבנות יעשה לה¹⁰ אם אחרת יקח לו שארה כסותה וענתה לא יגרע¹¹ ואם שלש אלה לא יעשה לה ויצאה חנם אין כסף פ¹² מכה איש ומת מות יומת¹³ ואשר לא צדה והאלהים אנה לידו ושמתי לך מקום אשר ינוס שמה פ¹⁴ וכי יזד איש על רעהו להרגו בערמה מעם מזבחי תקחנו

¹¹ כי ששת ימים עשה יהוה את השמים ואת הארץ את הים ואת כל אשר במ וינח ביום השביעי על כן ברך יהוה את יום השבת ויקדשהו פ¹² כבד את אביך ואת אמך למען יארכון ימך על האדמה אשר יהוה אלהיך נתן לך פ¹³ לא תרצח פ¹⁴ לא תנאף פ¹⁵ לא תגנב פ¹⁶ לא תענה ברעך עד שקר פ¹⁷ לא תחמד בית רעך לא תחמד אשת רעך ועבדו ואמתו ושורו וחמרו וכל אשר לרעך פ¹⁸ וכל העם ראים את הקולת ואת הלפידים ואת קול השפר ואת ההר עשן וירא העם וינעו ויעמדו מרחק¹⁹ ויאמרו אל משה דבר אתה עמנו ונשמעה ואל ידבר עמנו אלהים פן נמות²⁰ ויאמר משה אל העם אל תיראו כי לבעבור נסות אתכם בא האלהים ובעבור תהיה יראתו על פניכם לבלתי תחטאו²¹ ויעמד העם מרחק ומשה נגש אל הערפל אשר שם האלהים פ²² ויאמר יהוה אל משה כה תאמר אל בני ישראל אתם ראיתם כי מן השמים דברתי עמכם²³ לא תעשון אתי אלהי כסף ואלהי זהב לא תעשו לכם²⁴ מזבח אדמה תעשה לי וזבחת עליו את עלתיך ואת שלמיך את צאנך ואת בקרך בכל המקום אשר אזכיר את שמי אבוא אליך וברכתיך²⁵ ואם מזבח אבנים תעשה לי

יגח או בת יגח כמשפט הזה יעשה לו³² אם עבד יגח השור או אמה כסף שלשים שקלים יתן לאדניו והשור יסקל³³ וכי יפתח איש בור או כי יכרה איש בר ולא יכסנו ונפל שמה שור או חמור³⁴ בעל הבור ישלם כסף ישיב לבעליו והמת יהיה לו³⁵ וכי יגף שור איש את שור רעהו ומת ומכרו את השור החי וחצו את כספו וגם את המת יחצון³⁶ או נודע כי שור נגח הוא מתמול שלשם ולא ישמרנו בעליו שלם ישלם שור תחת השור והמת יהיה לו³⁷ כי יגנב איש שור או שה וטבחו או מכרו חמשה בקר ישלם תחת השור וארבע צאן תחת השה

22 אם במחתרת ימצא הגנב והכה ומת אין לו דמים² אם זרחה השמש עליו דמים לו שלם ישלם אם אין לו ונמכר בגנבתו³ אם המצא תמצא בידו הגנבה משור עד חמור עד שה חיים שנים ישלם⁴ כי יבער איש שדה או כרם ושלח את **בעירה בעירו** ובער בשדה אחר מיטב שדהו ומיטב כרמו ישלם⁵ כי תצא אש ומצאה קצים ונאכל גדיש או הקמה או השדה שלם ישלם המבער את הבערה⁶ כי יתן איש אל רעהו כסף או כלים לשמר וגנב מבית האיש אם ימצא הגנב ישלם שנים⁷ אם לא ימצא

למות¹⁵ ומכה אביו ואמו מות יומת¹⁶ וגנב איש ומכרו ונמצא בידו מות יומת¹⁷ ומקלל אביו ואמו מות יומת¹⁸ וכי יריבן אנשים והכה איש את רעהו באבן או באגרף ולא ימות ונפל למשכב¹⁹ אם יקום והתהלך בחוץ על משענתו ונקה המכה רק שבתו יתן ורפא ירפא²⁰ וכי יכה איש את עבדו או את אמתו בשבט ומת תחת ידו נקם ינקם²¹ אך אם יום או יומים יעמד לא יקם כי כספו הוא²² וכי ינצו אנשים ונגפו אשה הרה ויצאו ילדיה ולא יהיה אסון ענוש יענוש כאשר ישית עליו בעל האשה ונתן בפללים²³ ואם אסון יהיה ונתתה נפש תחת נפש²⁴ עין תחת עין שן תחת שן יד תחת יד רגל תחת רגל²⁵ כויה תחת כויה פצע תחת פצע חבורה תחת חבורה²⁶ וכי יכה איש את עין עבדו או את עין אמתו ושחתה לחפשי ישלחנו תחת עינו²⁷ ואם שן עבדו או שן אמתו יפיל לחפשי ישלחנו תחת שנו²⁸ וכי יגח שור את איש או את אשה ומת סקול יסקל השור ולא יאכל את בשרו ובעל השור נקי²⁹ ואם שור נגח הוא מתמל שלשם והועד בבעליו ולא ישמרנו והמית איש או אשה השור יסקל וגם בעליו יומת³⁰ אם כפר יושת עליו ונתן פדין נפשו ככל אשר יושת עליו³¹ או בן

²⁴ אם כסף תלוה את עמי את העני עמך לא תהיה לו כנשה לא תשימון עליו נשך ²⁵ אם חבל תחבל שלמת רעך עד בא השמש תשיבנו לו ²⁶ כי הוא כסותה כסותו לבדה הוא שמלתו לערו במה ישכב והיה כי יצעק אלי ושמעתי כי חנון אני ׀ ²⁷ אלהים לא תקלל ונשיא בעמך לא תאר ²⁸ מלאתך ודמעך לא תאחר בכור בניך תתן לי ²⁹ כן תעשה לשרך לצאנך שבעת ימים יהיה עם אמו ביום השמיני תתנו לי ³⁰ ואנשי קדש תהיון לי ובשר בשדה טרפה לא תאכלו לכלב תשלכון אתו ׀

23 לא תשא שמע שוא אל תשת ירך עם רשע להיות עד חמס ׀ ² לא תהיה אחרי רבים לרעת ולא תענה על רב לנטת אחרי רבים להטת ³ ודל לא תהדר בריבו ׀ ⁴ כי תפגע שור איבך או חמרו תעה השב תשיבנו לו ׀ ⁵ כי תראה חמור שנאך רבץ תחת משאו וחדלת מעזב לו עזב תעזב עמו ׀ ⁶ לא תטה משפט אבינך בריבו ⁷ מדבר שקר תרחק ונקי וצדיק אל תהרג כי לא אצדיק רשע ⁸ ושחד לא תקח כי השחד יעור פקחים ויסלף דברי צדיקים ⁹ וגר לא תלחץ ואתם ידעתם את נפש הגר כי גרים הייתם בארץ מצרים ¹⁰ ושש שנים תזרע את ארצך

הגנב ונקרב בעל הבית אל האלהים אם לא שלח ידו במלאכת רעהו ⁸ על כל דבר פשע על שור על חמור על שה על שלמה על כל אבדה אשר יאמר כי הוא זה עד האלהים יבא דבר שניהם אשר ירשיען אלהים ישלם שנים לרעהו ׀ ⁹ כי יתן איש אל רעהו חמור או שור או שה וכל בהמה לשמר ומת או נשבר או נשבה אין ראה ¹⁰ שבעת יהוה תהיה בין שניהם אם לא שלח ידו במלאכת רעהו ולקח בעליו ולא ישלם ¹¹ ואם גנב יגנב מעמו ישלם לבעליו ¹² אם טרף יטרף יבאהו עד הטרפה לא ישלם ׀ ¹³ וכי ישאל איש מעם רעהו ונשבר או מת בעליו אין עמו שלם ישלם ¹⁴ אם בעליו עמו לא ישלם אם שכיר הוא בא בשכרו ׀ ¹⁵ וכי יפתה איש בתולה אשר לא ארשה ושכב עמה מהר ימהרנה לו לאשה ¹⁶ אם מאן ימאן אביה לתתה לו כסף ישקל כמהר הבתולת ׀ ¹⁷ מכשפה לא תחיה ׀ ¹⁸ כל שכב עם בהמה מות יומת ׀ ¹⁹ זבח לאלהים יחרם בלתי ליהוה לבדו ²⁰ וגר לא תונה ולא תלחצנו כי גרים הייתם בארץ מצרים ²¹ כל אלמנה ויתום לא תענון ²² אם ענה תענה אתו כי אם צעק יצעק אלי שמע אשמע צעקתו ²³ וחרה אפי והרגתי אתכם בחרב והיו נשיכם אלמנות ובניכם יתמים ׀

תשתחוה לאלהיהם ולא תעבדם ולא
 תעשה כמעשיהם כי הרס תהרסם ושבר
 תשבר מצבתיים²⁵ ועבדתם את יהוה
 אלהיכם וברך את לחמך ואת מימך
 והסרתי מחלה מקרבך²⁶ לא תהיה
 משכלה ועקרה בארצך את מספר ימך
 אמלא²⁷ את אימתי אשלח לפניך והמתי
 את כל העם אשר תבא בהם ונתתי את
 כל איביך אליך ערף²⁸ ושלחתי את
 הצרעה לפניך וגרשה את החוי את
 הכנעני ואת החתי מלפניך²⁹ לא אגרשנו
 מפניך בשנה אחת פן תהיה הארץ
 שממה ורבה עליך חית השדה³⁰ מעט
 מעט אגרשנו מפניך עד אשר תפרה
 ונחלת את הארץ³¹ ושתי את גבלך מים
 סוף ועד ים פלשתים וממדבר עד הנהר
 כי אתן בידכם את ישבי הארץ וגרשתמו
 מפניך³² לא תכרת להם ולאליהיהם
 ברית³³ לא ישבו בארצך פן יחטיאו אתך
 לי כי תעבד את אלהיהם כי יהיה לך
 למוקש פ

24 ואל משה אמר עלה אל יהוה אתה
 ואהרן נדב ואביהוא ושבעים מזקני
 ישראל והשתחיתם מרחק² ונגש משה
 לבדו אל יהוה והם לא יגשו והעם לא
 יעלו עמו³ ויבא משה ויספר לעם את כל
 דברי יהוה ואת כל המשפטים ויען כל
 העם קול אחד ויאמרו כל הדברים אשר

ואספת את תבואתה¹¹ והשביעת
 תשמטנה ונטשתה ואכלו אביני עמך
 ויתרם תאכל חית השדה כן תעשה
 לכרמך לזיתך¹² ששת ימים תעשה
 מעשיך וביום השביעי תשבת למען ינוח
 שורך וחמרך וינפש בן אמתך
 והגר¹³ ובכל אשר אמרתי אליכם תשמרו
 ושם אלהים אחרים לא תזכירו לא ישמע
 על פיך¹⁴ שלש רגלים תחג לי
 בשנה¹⁵ את חג המצות תשמר שבעת
 ימים תאכל מצות כאשר צויתך למועד
 חדש האביב כי בו יצאת ממצרים ולא
 יראו פני ריקם¹⁶ וחג הקציר בכורי
 מעשיך אשר תזרע בשדה וחג האסף
 בצאת השנה באספך את מעשיך מן
 השדה¹⁷ שלש פעמים בשנה יראה כל
 זכורך אל פני האדן יהוה¹⁸ לא תזבח על
 חמץ דם זבחי ולא ילין חלב חגי עד
 בקר¹⁹ ראשית בכורי אדמתך תביא בית
 יהוה אלהיך לא תבשל גדי בחלב
 אמו ס²⁰ הנה אנכי שלח מלאך לפניך
 לשמרך בדרך ולהביאך אל המקום אשר
 הכנתי²¹ השמר מפניו ושמע בקלו אל
 תמר בו כי לא ישא לפשעכם כי שמי
 בקרבו²² כי אם שמע תשמע בקלו
 ועשית כל אשר אדבר ואיבתי את איביך
 וצרתי את צרריך²³ כי ילך מלאכי לפניך
 והביאך אל האמרי והחתי והפרזי
 והכנעני החוי והיבוסי והכחדתיו²⁴ לא

ישראל¹⁸ ויבא משה בתוך הענן ויעל אל
ההר ויהי משה בהר ארבעים יום
וארבעים לילה פ

25 וידבר יהוה אל משה לאמר² דבר
אל בני ישראל ויקחו לי תרומה מאת כל
איש אשר ידבנו לבו תקחו את
תרומתי³ וזאת התרומה אשר תקחו
מאתם זהב וכסף ונחשת⁴ ותכלת וארגמן
ותולעת שני ושש ועזים⁵ וערת אילים
מאדמים וערת תחשים ועצי שטים⁶ שמן
למאר בשמים לשמן המשחה ולקטרת
הסמים⁷ אבני שהם ואבני מלאים לאפד
ולחשן⁸ ועשו לי מקדש ושכנתי
בתוכם⁹ ככל אשר אני מראה אותך את
תבנית המשכן ואת תבנית כל כליו וכן
תעשו¹⁰ ועשו ארון עצי שטים
אמתים וחצי ארכו ואמה וחצי רחבו
ואמה וחצי קמתו¹¹ וצפית אתו זהב
טהור מבית ומחוץ תצפנו ועשית עליו זר
זהב סביב¹² ויצקת לו ארבע טבעת זהב
ונתתה על ארבע פעמתיו ושתי טבעת על
צלעו האחת ושתי טבעת על צלעו
השנית¹³ ועשית בדי עצי שטים וצפית
אתם זהב¹⁴ והבאת את הבדים בטבעת
על צלעת הארון לשאת את הארון
בהם¹⁵ בטבעת הארון יהיו הבדים לא
יסרו ממנו¹⁶ ונתת אל הארון את העדת

דבר יהוה נעשה⁴ ויכתב משה את כל
דברי יהוה וישכם בבקר ויבן מזבח תחת
ההר ושתיים עשרה מצבה לשנים עשר
שבטי ישראל⁵ וישלח את נערי בני
ישראל ויעלו עלת ויזבחו זבחים שלמים
ליהוה פרים⁶ ויקח משה חצי הדם וישם
באגנת וחצי הדם זרק על המזבח⁷ ויקח
ספר הברית ויקרא באזני העם ויאמרו
כל אשר דבר יהוה נעשה ונשמע⁸ ויקח
משה את הדם ויזרק על העם ויאמר הנה
דם הברית אשר כרת יהוה עמכם על כל
הדברים האלה⁹ ויעל משה ואהרן נדב
ואביהוא ושבעים מזקני ישראל¹⁰ ויראו
את אלהי ישראל ותחת רגליו כמעשה
לבנת הספיר וכעצם השמים לטהר¹¹ ואל
אצילי בני ישראל לא שלח ידו ויחזו את
האלהים ויאכלו וישתו¹² ויאמר
יהוה אל משה עלה אלי ההרה והיה שם
ואתנה לך את לחת האבן והתורה
והמצוה אשר כתבתי להורתם¹³ ויקם
משה ויהושע משרתו ויעל משה אל הר
האלהים¹⁴ ואל הזקנים אמר שבו לנו בזה
עד אשר נשוב אליכם והנה אהרן וחור
עמכם מי בעל דברים יגש אלהם¹⁵ ויעל
משה אל ההר ויכס הענן את
ההר¹⁶ וישכן כבוד יהוה על הר סיני
ויכסהו הענן ששת ימים ויקרא אל משה
ביום השביעי מתוך הענן¹⁷ ומראה כבוד
יהוה כאש אכלת בראש ההר לעיני בני

תמיד פ
³¹ועשית מנרת זהב טהור מקשה תעשה
המנורה ירכה וקנה גביעיה כפתריה
ופרחיה ממנה יהיו ³²וששה קנים יצאים
מצדיה שלשה קני מנרה מצדה האחד
ושלשה קני מנרה מצדה השני ³³שלשה
גבעים משקדים בקנה האחד כפתר
ופרח ושלשה גבעים משקדים בקנה
האחד כפתר ופרח כן לששת הקנים
היצאים מן המנרה ³⁴ובמנרה ארבעה
גבעים משקדים כפתריה
ופרחיה ³⁵וכפתר תחת שני הקנים ממנה
וכפתר תחת שני הקנים ממנה וכפתר
תחת שני הקנים ממנה לששת הקנים
היצאים מן המנרה ³⁶כפתריהם וקנתם
ממנה יהיו כלה מקשה אחת זהב
טהור ³⁷ועשית את נרתיה שבעה והעלה
את נרתיה והאיר על עבר
פניה ³⁸ומלקחיה ומחתתיה זהב
טהור ³⁹ככר זהב טהור יעשה אתה את
כל הכלים האלה ⁴⁰וראה ועשה
בתבניתם אשר אתה מראה בהר ס

26 ואת המשכן תעשה עשר יריעת
שש משזר ותכלת וארגמן ותלעת שני
כרבים מעשה חשב תעשה אתם ²ארך
היריעה האחת שמנה ועשרים באמה
ורחב ארבע באמה היריעה האחת מדה
אחת לכל היריעת ³חמש היריעת תהיין

אשר אתן אליך ¹⁷ועשית כפרת זהב
טהור אמתים וחצי ארכה ואמה וחצי
רחבה ¹⁸ועשית שנים כרבים זהב מקשה
תעשה אתם משני קצות הכפרת ¹⁹ועשה
כרוב אחד מקצה מזה וכרוב אחד מקצה
מזה מן הכפרת תעשו את הכרבים על
שני קצותיו ²⁰והיו הכרבים פרשי כנפים
למעלה סככים בכנפיהם על הכפרת
ופניהם איש אל אחיו אל הכפרת יהיו פני
הכרבים ²¹ונתת את הכפרת על הארץ
מלמעלה ואל הארץ תתן את העדת אשר
אתן אליך ²²ונועדתי לך שם ודברתי אתך
מעל הכפרת מבין שני הכרבים אשר על
ארץ העדת את כל אשר אצוה אותך אל
בני ישראל פ

²³ועשית שלחן עצי שטים אמתים ארכו
ואמה רחבו ואמה וחצי קמתו ²⁴וצפית
אתו זהב טהור ועשית לו זר זהב
סביב ²⁵ועשית לו מסגרת טפח סביב
ועשית זר זהב למסגרתו סביב ²⁶ועשית
לו ארבע טבעת זהב ונתת את הטבעת
על ארבע הפאת אשר לארבע
רגליו ²⁷לעמת המסגרת תהיין הטבעת
לבתים לבדים לשאת את
השלחן ²⁸ועשית את הבדים עצי שטים
וצפית אתם זהב ונשא בם את
השלחן ²⁹ועשית קערותיו וכפתיו וקשותיו
ומנקיתיו אשר יסך בהן זהב טהור תעשה
אתם ³⁰ונתת על השלחן לחם פנים לפני

מכסה לאהל ערת אילם מאדמים ומכסה
 ערת תחשים מלמעלה פ
¹⁵ ועשית את הקרשים למשכן עצי שטים
 עמדים ¹⁶ עשר אמות ארך הקרש ואמה
 וחצי האמה רחב הקרש האחד ¹⁷ שתי
 ידות לקרש האחד משלבת אשה אל
 אחתה כן תעשה לכל קרשי
 המשכן ¹⁸ ועשית את הקרשים למשכן
 עשרים קרש לפאת נגבה
 תימנה ¹⁹ וארבעים אדני כסף תעשה
 תחת עשרים הקרש שני אדנים תחת
 הקרש האחד לשתי ידתיו ושני אדנים
 תחת הקרש האחד לשתי ידתיו ²⁰ ולצלע
 המשכן השנית לפאת צפון עשרים
 קרש ²¹ וארבעים אדניהם כסף שני אדנים
 תחת הקרש האחד ושני אדנים תחת
 הקרש האחד ²² ולירכתי המשכן ימה
 תעשה ששה קרשים ²³ ושני קרשים
 תעשה למקצעת המשכן בירכתים ²⁴ ויהיו
 תאמים מלמטה ויחדו יהיו תמים על
 ראשו אל הטבעת האחת כן יהיה
 לשניהם לשני המקצעת יהיו ²⁵ והיו
 שמנה קרשים ואדניהם כסף ששה עשר
 אדנים שני אדנים תחת הקרש האחד
 ושני אדנים תחת הקרש האחד ²⁶ ועשית
 בריחם עצי שטים חמשה לקרשי צלע
 המשכן האחד ²⁷ וחמשה בריחם לקרשי
 צלע המשכן השנית וחמשה בריחם
 לקרשי צלע המשכן לירכתים

חברת אשה אל אחתה וחמש יריעת
 חברת אשה אל אחתה ⁴ ועשית ללאת
 תכלת על שפת היריעה האחת מקצה
 בחברת וכן תעשה בשפת היריעה
 הקיצונה במחברת השנית ⁵ חמשים
 ללאת תעשה ביריעה האחת וחמשים
 ללאת תעשה בקצה היריעה אשר
 במחברת השנית מקבילת הללאת אשה
 אל אחתה ⁶ ועשית חמשים קרסי זהב
 וחברת^c את היריעת אשה אל אחתה
 בקרסים והיה המשכן אחד פ
⁷ ועשית יריעת עזים לאהל על המשכן
 עשתי עשרה יריעת תעשה אתם ⁸ ארך
 היריעה האחת שלשים באמה ורחב
 ארבע באמה היריעה האחת מדה אחת
 לעשתי עשרה יריעת ⁹ וחברת את חמש
 היריעת לבד ואת שש היריעת לבד
 וכפלת את היריעה הששית אל מול פני
 האהל ¹⁰ ועשית חמשים ללאת על שפת
 היריעה האחת הקיצונה בחברת וחמשים
 ללאת על שפת היריעה החברת
 השנית ¹¹ ועשית קרסי נחשת חמשים
 והבאת את הקרסים בללאת וחברת את
 האהל והיה אחד ¹² וסרח העדף ביריעת
 האהל חצי היריעה העדפת תסרח על
 אחרי המשכן ¹³ והאמה מזה והאמה מזה
 בעדף בארך יריעת האהל יהיה סרוח על
 צדי המשכן מזה ומזה לכסתו ¹⁴ ועשית

c We read one or more accents in L differently than BHS. Often this notation indicates a typographical error in BHS.

ימה²⁸ והבריח התיכן בתוך הקרשים
 מברח מן הקצה אל הקצה²⁹ ואת
 הקרשים תצפה זהב ואת טבעתיהם
 תעשה זהב בתים לבריחם וצפית את
 הבריחם זהב³⁰ והקמת את המשכן
 כמשפטו אשר הראית
 בהר ׀³¹ ועשית פרכת תכלת וארגמן
 ותולעת שני ושש משזר מעשה חשב
 יעשה אתה כרבים³² ונתתה אתה על
 ארבעה עמודי שטים מצפים זהב וויהם
 זהב על ארבעה אדני כסף³³ ונתתה את
 הפרכת תחת הקרסים והבאת שמה
 מבית לפרכת את ארון העדות והבדילה
 הפרכת לכם בין הקדש ובין קדש
 הקדשים³⁴ ונתת את הכפרת על ארון
 העדת בקדש הקדשים³⁵ ושמת את
 השלחן מחוץ לפרכת ואת המנרה נכח
 השלחן על צלע המשכן תימנה והשלחן
 תתן על צלע צפון³⁶ ועשית מסך לפתח
 האהל תכלת וארגמן ותולעת שני ושש
 משזר מעשה רקם³⁷ ועשית למסך
 חמשה עמודי שטים וצפית אתם זהב
 וויהם זהב ויצקת להם חמשה אדני
 נחשת ׀

קרנתיו וצפית אתו נחשת³ ועשית
 סירתיו לדשנו ויעיו ומזרקתיו ומזלגתיו
 ומחתתיו לכל כליו תעשה נחשת⁴ ועשית
 לו מכבר מעשה רשת נחשת ועשית על
 הרשת ארבע טבעת נחשת על ארבע
 קצותיו⁵ ונתתה אתה תחת כרכב המזבח
 מלמטה והיתה הרשת עד חצי
 המזבח⁶ ועשית בדים למזבח בדי עצי
 שטים וצפית אתם נחשת⁷ והובא את
 בדיו בטבעת והיו הבדים על שתי צלעות
 המזבח בשאת אתו⁸ נבוב לחת תעשה
 אתו כאשר הראה אתך בהר כן
 יעשו ׀⁹ ועשית את חצר המשכן
 לפאת נגב תימנה קלעים לחצר שש
 משזר מאה באמה ארך לפאה
 האחת¹⁰ ועמדיו עשרים ואדניהם עשרים
 נחשת ווי העמדים וחשקיהם כסף¹¹ וכן
 לפאת צפון בארך קלעים מאה ארך **ועמדו**
ועמודיו עשרים ואדניהם עשרים נחשת
 ווי העמדים וחשקיהם כסף¹² ורחב
 החצר לפאת ים קלעים חמשים אמה
 עמדיהם עשרה ואדניהם עשרה¹³ ורחב
 החצר לפאת קדמה מזרחה חמשים
 אמה¹⁴ וחמש עשרה אמה קלעים לכתף
 עמדיהם שלשה ואדניהם
 שלשה¹⁵ ולכתף השנית חמש¹ עשרה
 קלעים עמדיהם שלשה ואדניהם

1 BHS has been faithful to the Leningrad Codex where
 there might be a question of the validity of the form
 and we keep the same form as BHS.

27 ועשית את המזבח עצי שטים חמש
 אמות ארך וחמש אמות רחב רבוע יהיה
 המזבח ושלש אמות קמתו² ועשית
 קרנתיו על ארבע פנתיו ממנו תהיין

⁶ ועשו את האפד זהב תכלת וארגמן
 תולעת שני ושש משזר מעשה
 חשב ⁷ שתי כתפת חברת יהיה לו אל שני
 קצותיו וחבר ⁸ וחשב אפדתו אשר עליו
 כמעשהו ממנו יהיה זהב תכלת וארגמן
 ותולעת שני ושש משזר ⁹ ולקחת את
 שתי אבני שהם ופתחת עליהם שמות בני
 ישראל ¹⁰ ששה משמתם על האבן
 האחת ואת שמות הששה הנותרים על
 האבן השנית כתולדתם ¹¹ מעשה חרש
 אבן פתוחי חתם תפתח את שתי האבנים
 על שמת בני ישראל מסבת משבצות
 זהב תעשה אתם ¹² ושמת את שתי
 האבנים על כתפת האפד אבני זכרון לבני
 ישראל ונשא אהרן את שמותם לפני
 יהוה על שתי כתפיו
 לזכרון ¹³ ועשית משבצת
 זהב ¹⁴ ושתי שרשרת זהב טהור מגבלת
 תעשה אתם מעשה עבת ונתתה את
 שרשרת העבתת על
 המשבצת ¹⁵ ועשית חשן משפט
 מעשה חשב כמעשה אפד תעשנו זהב
 תכלת וארגמן ותולעת שני ושש משזר
 תעשה אתו ¹⁶ רבוע יהיה כפול זרת ארכו
 זרת רחבו ¹⁷ ומלאת בו מלאת אבן
 ארבעה טורים אבן טור אדם פטדה
 וברקת הטור האחד ¹⁸ והטור השני נפך
 ספיר ויהלם ¹⁹ והטור השלישי לשם שבו
 ואחלמה ²⁰ והטור הרביעי תרשיש ושהם

שלשה ¹⁶ ולשער החצר מסך עשרים
 אמה תכלת וארגמן ותולעת שני ושש
 משזר מעשה רקם עמדיהם ארבעה
 ואדניהם ארבעה ¹⁷ כל עמודי החצר
 סביב מחשקים כסף וזיהם כסף ואדניהם
 נחשת ¹⁸ ארך החצר מאה באמה ורחב
 חמשים בחמשים וקמה חמש אמות שש
 משזר ואדניהם נחשת ¹⁹ לכל כלי המשכן
 בכל עבדתו וכל יתדתיו וכל יתדת החצר
 נחשת ²⁰ ואתה תצוה את בני
 ישראל ויקחו אליך שמן זית זך כתית
 למאור להעלת נר תמיד ²¹ באהל מועד
 מחוץ לפרכת אשר על העדת יערך אתו
 אהרן ובניו מערב עד בקר לפני יהוה
 חקת עולם לדרתם מאת בני
 ישראל

28 ואתה הקרב אליך את אהרן אחיך
 ואת בניו אתו מתוך בני ישראל לכהנו לי
 אהרן נדב ואביהוא אלעזר ואיתמר בני
 אהרן ² ועשית בגדי קדש לאהרן אחיך
 לכבוד ולתפארת ³ ואתה תדבר אל כל
 חכמי לב אשר מלאתיו רוח חכמה ועשו
 את בגדי אהרן לקדשו לכהנו לי ⁴ ואלה
 הבגדים אשר יעשו חשן ואפוד ומעיל
 וכתנת תשבץ מצנפת ואבנט ועשו בגדי
 קדש לאהרן אחיך ולבניו לכהנו לי ⁵ והם
 יקחו את הזהב ואת התכלת ואת
 הארגמן ואת תולעת השני ואת השש

וכפי תחרא יהיה לו לא יקרע³³ ועשית על
 שוליו רמני תכלת וארגמן ותולעת שני
 על שוליו סביב ופעמני זהב בתוכם
 סביב³⁴ פעמן זהב ורמון פעמן זהב ורמון
 על שולי המעיל סביב³⁵ והיה על אהרן
 לשרת ונשמע קולו בבאו אל הקדש לפני
 יהוה ובצאתו ולא ימות ׀³⁶ ועשית
 ציץ זהב טהור ופתחת עליו פתוחי חתם
 קדש ליהוה³⁷ ושמת אתו על פתיל תכלת
 והיה על המצנפת אל מול פני המצנפת
 יהיה³⁸ והיה על מצח אהרן ונשא אהרן
 את עון הקדשים אשר יקדישו בני
 ישראל לכל מתנת קדשיהם והיה על
 מצחו תמיד לרצון להם לפני
 יהוה³⁹ ושבצת הכתנת שש ועשית
 מצנפת שש ואבנט תעשה מעשה
 רקם⁴⁰ ולבני אהרן תעשה כתנת ועשית
 להם אבנטים ומגבעות תעשה להם
 לכבוד ולתפארת⁴¹ והלבשת אתם את
 אהרן אחיך ואת בניו אתו ומשחת אתם
 ומלאת את ידם וקדשת אתם וכהנו
 לי⁴² ועשה להם מכנסי בד לכסות בשר
 ערוה ממתנים ועד ירכים יהיו⁴³ והיו על
 אהרן ועל בניו בבאם אל אהל מועד או
 בגשתם אל המזבח לשרת בקדש ולא
 ישאו עון ומתו חקת עולם לו ולזרעו
 אחריו ׀

29 וזה הדבר אשר תעשה להם לקדש

וישפה משבצים זהב יהיו
 במלואתם²¹ והאבנים תהיין על שמת בני
 ישראל שתים עשרה על שמתם פתוחי
 חותם איש על שמו תהיין לשני עשר
 שבט²² ועשית על החשן שרשת גבלת
 מעשה עבת זהב טהור²³ ועשית על
 החשן שתי טבעות זהב ונתת את שתי
 הטבעות על שני קצות החשן²⁴ ונתתה
 את שתי עבתת הזהב על שתי הטבעת
 אל קצות החשן²⁵ ואת שתי קצות שתי
 העבתת תתן על שתי המשבצות ונתתה
 על כתפות האפד אל מול פניו²⁶ ועשית
 שתי טבעות זהב ושמת אתם על שני
 קצות החשן על שפתו אשר אל עבר
 האפד ביתה²⁷ ועשית שתי טבעות זהב
 ונתתה אתם על שתי כתפות האפוד
 מלמטה ממול פניו לעמת מחברתו ממעל
 לחשב האפוד²⁸ וירכסו את החשן **מטבעתו**
מטבעתיו אל טבעת האפד בפתיל תכלת
 להיות על חשב האפוד ולא יזח החשן
 מעל האפוד²⁹ ונשא אהרן את שמות בני
 ישראל בחשן המשפט על לבו בבאו אל
 הקדש לזכרון לפני יהוה תמיד³⁰ ונתת אל
 חשן המשפט את האורים ואת התמים
 והיו על לב אהרן בבאו לפני יהוה ונשא
 אהרן את משפט בני ישראל על לבו לפני
 יהוה תמיד ׀³¹ ועשית את מעיל
 האפוד כליל תכלת³² והיה פי ראשו
 בתוכו שפה יהיה לפיו סביב מעשה ארג

תקח וסמכו אהרן ובניו את ידיהם על ראש האיל¹⁶ ושחטת את האיל ולקחת את דמו וזרקת על המזבח סביב¹⁷ ואת האיל תנתח לנתחיו ורחצת קרבו וכרעיו ונתת על נתחיו ועל ראשו¹⁸ והקטרת את כל האיל המזבחה עלה הוא ליהוה ריח ניחוח אשה ליהוה הוא¹⁹ ולקחת את האיל השני וסמך אהרן ובניו את ידיהם על ראש האיל²⁰ ושחטת את האיל ולקחת מדמו ונתתה על תנוך אזן אהרן ועל תנוך אזן בניו הימנית ועל בהן ידם הימנית ועל בהן רגלם הימנית וזרקת את הדם על המזבח סביב²¹ ולקחת מן הדם אשר על המזבח ומשמן המשחה והזית על אהרן ועל בגדיו ועל בניו ועל בגדי בניו אתו וקדש הוא ובגדיו ובניו ובגדי בניו אתו²² ולקחת מן האיל החלב והאליה ואת החלב המכסה את הקרב ואת יתרת הכבד ואת שתי הכלית ואת החלב אשר עלהן ואת שוק הימין כי איל מלאים הוא²³ וככר לחם אחת וחלת לחם שמן אחת ורקיק אחד מסל המצות אשר לפני יהוה²⁴ ושמת הכל על כפי אהרן ועל כפי בניו והנפת אתם תנופה לפני יהוה²⁵ ולקחת אתם מידם והקטרת המזבחה על העלה לריח ניחוח לפני יהוה אשה הוא ליהוה²⁶ ולקחת את החזה מאיל המלאים אשר לאהרן והנפת אתו תנופה לפני יהוה והיה לך

אתם לכהן לי לקח פר אחד בן בקר ואילם שנים תמימים² ולחם מצות וחלת מצת בלולת בשמן ורקיקי מצות משחים בשמן סלת חטים תעשה אתם³ ונתת אותם על סל אחד והקרבת אתם בסל ואת הפר ואת שני האילם⁴ ואת אהרן ואת בניו תקריב אל פתח אהל מועד ורחצת אתם במים⁵ ולקחת את הבגדים והלבשת את אהרן את הכתנת ואת מעיל האפד ואת האפד ואת החשן ואפדת לו בחשב האפד⁶ ושמת המצנפת על ראשו ונתת את נזר הקדש על המצנפת⁷ ולקחת את שמן המשחה ויצקת על ראשו ומשחת אתו⁸ ואת בניו תקריב והלבשתם כתנת⁹ וחגרת אתם אבנט אהרן ובניו וחבשת להם מגבעת והיתה להם כהנה לחקת עולם ומלאת יד אהרן ויד בניו¹⁰ והקרבת את הפר לפני אהל מועד וסמך אהרן ובניו את ידיהם על ראש הפר¹¹ ושחטת את הפר לפני יהוה פתח אהל מועד¹² ולקחת מדם הפר ונתתה על קרנת המזבח באצבעך ואת כל הדם תשפך אל יסוד המזבח¹³ ולקחת את כל החלב המכסה את הקרב ואת היתרת על הכבד ואת שתי הכלית ואת החלב אשר עליהן והקטרת המזבחה¹⁴ ואת בשר הפר ואת ערו ואת פרשו תשרף באש מחוץ למחנה חטאת הוא¹⁵ ואת האיל האחד

הערבים⁴⁰ ועשרן סלת בלול בשמן כתית רבע ההין ונסך רבעית ההין יין לכבש האחד⁴¹ ואת הכבש השני תעשה בין הערבים כמנחת הבקר וכנסכה תעשה לה לריח ניחח אשה ליהוה⁴² עלת תמיד לדרתיכם פתח אהל מועד לפני יהוה אשר אועד לכם שמה לדבר אליך שם⁴³ ונעדתי שמה לבני ישראל ונקדש בכבדי⁴⁴ וקדשתי את אהל מועד ואת המזבח ואת אהרן ואת בניו אקדש לכהן לי⁴⁵ ושכנתי בתוך בני ישראל והייתי להם לאלהים⁴⁶ וידעו כי אני יהוה אלהיהם אשר הוצאתי אתם מארץ מצרים לשכני בתוכם אני יהוה אלהיהם פ

30 ועשית מזבח מקטר קטרת עצי שטים תעשה אתו² אמה ארכו ואמה רחבו רבוע יהיה ואמתים קמתו ממנו קרנתיו³ וצפית אתו זהב טהור את גגו ואת קירתיו סביב ואת קרנתיו ועשית לו זר זהב סביב⁴ ושתי טבעת זהב תעשה לו מתחת לזרו על שתי צלעתיו תעשה על שני צדיו והיה לבתים לבדים לשאת אתו בהמה⁵ ועשית את הבדים עצי שטים וצפית אתם זהב⁶ ונתתה אתו לפני הפרכת אשר על ארן העדת לפני הכפרת אשר על העדת אשר אועד לך שמה⁷ והקטיר עליו אהרן קטרת סמים בבקר בבקר בהיטיבו את הנרת

למנה²⁷ וקדשת את חזה התנופה ואת שוק התרומה אשר הונף ואשר הורם מאיל המלאים מאשר לאהרן ומאשר לבניו²⁸ והיה לאהרן ולבניו לחק עולם מאת בני ישראל כי תרומה הוא ותרומה יהיה מאת בני ישראל מזבחי שלמיהם תרומתם ליהוה²⁹ ובגדי הקדש אשר לאהרן יהיו לבניו אחריו למשחה בהם ולמלא במס את ידם³⁰ שבעת ימים ילבשם הכהן תחתיו מבניו אשר יבא אל אהל מועד לשרת בקדש³¹ ואת איל המלאים תקח ובשלת את בשרו במקם קדש³² ואכל אהרן ובניו את בשר האיל ואת הלחם אשר בסל פתח אהל מועד³³ ואכלו אתם אשר כפר בהם למלא את ידם לקדש אתם וזר לא יאכל כי קדש הם³⁴ ואם יותר מבשר המלאים ומן הלחם עד הבקר ושרפת את הנותר באש לא יאכל כי קדש הוא³⁵ ועשית לאהרן ולבניו ככה ככל אשר צויתי אתכה שבעת ימים תמלא ידם³⁶ ופר חטאת תעשה ליום על הכפרים וחטאת על המזבח בכפרך עליו ומשחת אתו לקדשו³⁷ שבעת ימים תכפר על המזבח וקדשת אתו והיה המזבח קדש קדשים כל הנגע במזבח יקדש³⁸ וזה אשר תעשה על המזבח כבשים בני שנה שנים ליום תמיד³⁹ את הכבש האחד תעשה בבקר ואת הכבש השני תעשה בין

ליהוה²¹ ורחצו ידיהם ורגליהם ולא ימתו
 והיתה להם חק עולם לו ולזרעו לדורתם פ
 וידבר יהוה אל משה לאמר²³ ואתה
 קח לך בשמים ראש מר דרור חמש
 מאות וקנמן בשם מחציתו חמשים
 ומאתים וקנה בשם חמשים
 ומאתים²⁴ וקדה חמש מאות בשקל
 הקדש ושמן זית הין²⁵ ועשית אתו שמן
 משחת קדש רקח מרקחת מעשה רקח
 שמן משחת קדש יהיה²⁶ ומשחת בו את
 אהל מועד ואת ארון העדת²⁷ ואת
 השלחן ואת כל כליו ואת המנרה ואת
 כליה ואת מזבח הקטרת²⁸ ואת מזבח
 העלה ואת כל כליו ואת הכיר ואת
 כנו²⁹ וקדשת אתם והיו קדש קדשים כל
 הנגע בהם יקדש³⁰ ואת אהרן ואת בניו
 תמשח וקדשת אתם לכהן לי³¹ ואל בני
 ישראל תדבר לאמר שמן משחת קדש
 יהיה זה לי לדרתים³² על בשר אדם לא
 ייסך ובמתכנתו לא תעשו כמהו קדש
 הוא קדש יהיה לכם³³ איש אשר ירקח
 כמהו ואשר יתן ממנו על זר ונכרת
 מעמיו ׀³⁴ ויאמר יהוה אל משה קח
 לך סמים נטף ושחלת וחלבנה סמים
 ולבנה זכה בד בבד יהיה³⁵ ועשית אתה
 קטרת רקח מעשה רוקח ממלח טהור
 קדש³⁶ ושחקת ממנה הדק ונתתה ממנה
 לפני העדת באהל מועד אשר אועד לך
 שמה קדש קדשים תהיה לכם³⁷ והקטרת

יקטירנה⁸ ובהעלת אהרן את הנרת בין
 הערבים יקטירנה קטרת תמיד לפני יהוה
 לדרתים⁹ לא תעלו עליו קטרת זרה
 ועלה ומנחה ונסך לא תסכו עליו¹⁰ וכפר
 אהרן על קרנתיו אחת בשנה מדם
 חטאת הכפרים אחת בשנה יכפר עליו
 לדרתים קדש קדשים הוא ליהוה פ
 וידבר יהוה אל משה לאמר¹² כי תשא
 את ראש בני ישראל¹¹ לפקדיהם ונתנו
 איש כפר נפשו ליהוה בפקד אתם ולא
 יהיה בהם נגף בפקד אתם¹³ זה יתנו כל
 העבר על הפקדים מחצית השקל בשקל
 הקדש עשרים גרה השקל מחצית השקל
 תרומה ליהוה¹⁴ כל העבר על הפקדים
 מבן עשרים שנה ומעלה יתן תרומת
 יהוה¹⁵ העשיר לא ירבה והדל לא ימעט
 ממחצית השקל לתת את תרומת יהוה
 לכפר על נפשתיכם¹⁶ ולקחת את כסף
 הכפרים מאת בני ישראל ונתת אתו על
 עבדת אהל מועד והיה לבני ישראל
 לזכרון לפני יהוה לכפר על נפשתיכם פ
 וידבר יהוה אל משה לאמר¹⁸ ועשית
 כיור נחשת וכנו נחשת לרחצה ונתת
 אתו בין אהל מועד ובין המזבח ונתת
 שמה מים¹⁹ ורחצו אהרן ובניו ממנו את
 ידיהם ואת רגליהם²⁰ בבאם אל אהל
 מועד ירחצו מים ולא ימתו או בגשתם
 אל המזבח לשרת להקטיר אשה

1 BHS has been faithful to the Leningrad Codex where there might be a question of the validity of the form and we keep the same form as BHS.

העשה בה מלאכה ונכרתה הנפש ההוא מקרב עמיה ¹⁵ ששת ימים יעשה מלאכה וביום השביעי שבת שבתון קדש ליהוה כל העשה מלאכה ביום השבת מות יזמת ¹⁶ ושמרו בני ישראל את השבת לעשות את השבת לדרתם ברית עולם ¹⁷ ביני ובין בני ישראל אות הוא לעלם כי ששת ימים עשה יהוה את השמים ואת הארץ וביום השביעי שבת וינפש ¹⁸ ויתן אל משה ככלתו לדבר אתו בהר סיני שני לחת העדת לחת אבן כתבים באצבע אלהים

32 וירא העם כי בשש משה לרדת מן ההר ויקהל העם על אהרן ויאמרו אליו קום עשה לנו אלהים אשר ילכו לפנינו כי זה משה האיש אשר העלנו מארץ מצרים לא ידענו מה היה לו ² ויאמר אלהים אהרן פרקו נזמי הזהב אשר באזני נשיכם בניכם ובנותיכם והביאו אלי ³ ויתפרקו כל העם את נזמי הזהב אשר באזניהם ויביאו אל אהרן ⁴ ויקח מידם ויצר אתו בחרט ויעשהו עגל מסכה ויאמרו אלה אלהיך ישראל אשר העלוד מארץ מצרים ⁵ וירא אהרן ויבן מזבח לפניו ויקרא אהרן ויאמר חג ליהוה מחר ⁶ וישכימו ממחרת ויעלו עלת ויגשו שלמים וישב העם לאכל ושתו ויקמו לצחק ^פ

אשר תעשה במתכנתה לא תעשו לכם קדש תהיה לך ליהוה ³⁸ איש אשר יעשה כמוה להריח בה ונכרת מעמיו ^ס

31 וידבר יהוה אל משה לאמר ² ראה קראתי בשם בצלאל בן אורי בן חור למטה יהודה ³ ואמלא אתו רוח אלהים בחכמה ובתבונה ובדעת ובכל מלאכה ⁴ לחשב מחשבת לעשות בזהב ובכסף ובנחשת ⁵ ובחרשת אבן למלאת ובחרשת עץ לעשות בכל מלאכה ⁶ ואני הנה נתתי אתו את אהליאב בן אחיסמך למטה דן ובלב כל חכם לב נתתי חכמה ועשו את כל אשר צויתך ⁷ את אהל מועד ואת הארן לעדת ואת הכפרת אשר עליו ואת כל כלי האהל ⁸ ואת השלחן ואת כליו ואת המנרה הטהרה ואת כל כליה ואת מזבח הקטרת ⁹ ואת מזבח העלה ואת כל כליו ואת הכיור ואת כנו ¹⁰ ואת בגדי השרד ואת בגדי הקדש לאהרן הכהן ואת בגדי בניו לכהן ¹¹ ואת שמן המשחה ואת קטרת הסמים לקדש ככל אשר צויתך יעשו ^פ ¹² ויאמר יהוה אל משה לאמר ¹³ ואתה דבר אל בני ישראל לאמר אך את שבתתי תשמרו כי אות הוא ביני וביניכם לדרתיכם לדעת כי אני יהוה מקדשכם ¹⁴ ושמרתם את השבת כי קדש הוא לכם מחלליה מות יזמת כי כל

במחנה¹⁸ ¹ ויאמר אין קול ענות גבורה ואין קול ענות חלושה קול ענות אנכי שמע¹⁹ ויהי כאשר קרב אל המחנה וירא את העגל ומחלת ויחר אף משה וישלך **מידו** ^{מידו} את הלחת וישבר אתם תחת ההר²⁰ ויקח את העגל אשר עשו וישרף באש ויטחן עד אשר דק ויזר על פני המים וישק את בני ישראל²¹ ויאמר משה אל אהרן מה עשה לך העם הזה כי הבאת עליו חטאה גדלה²² ויאמר אהרן אל יחר אף אדני אתה ידעת את העם כי ברע הוא²³ ויאמרו לי עשה לנו אלהים אשר ילכו לפנינו כי זה משה האיש אשר העלנו מארץ מצרים לא ידענו מה היה לו²⁴ ואמר להם למי זהב התפרקו ויתנו לי ואשלכהו באש ויצא העגל הזה²⁵ וירא משה את העם כי פרע הוא כי פרעה אהרן לשמצה בקמיהם²⁶ ויעמד משה בשער המחנה ויאמר מי ליהוה אלי ויאספו אליו כל בני לוי²⁷ ויאמר להם כה אמר יהוה אלהי ישראל שימו איש חרבו על ירכו עברו ושובו משער לשער במחנה והרגו איש את אחיו ואיש את רעהו ואיש את קרבו²⁸ ויעשו בני לוי כדבר משה ויפל מן העם ביום ההוא כשלשת אלפי איש²⁹ ויאמר משה מלאו ידכם היום ליהוה כי איש בבנו ובאחיו

⁷ וידבר יהוה אל משה לך רד כי שחת עמך אשר העלית מארץ מצרים⁸ סרו מהר מן הדרך אשר צויתם עשו להם עגל מסכה וישתחוו לו ויזבחו לו ויאמרו אלה אלהיך ישראל אשר העלוך מארץ מצרים⁹ ויאמר יהוה אל משה ראיתי את העם הזה והנה עם קשה ערף הוא¹⁰ ועתה הניחה לי ויחר אפי בהם ואכלם ואעשה אותך לגוי גדול¹¹ ויחל משה את פני יהוה אלהיו ויאמר למה יהוה יחרה אפך בעמך אשר הוצאת מארץ מצרים בכח גדול וביד חזקה¹² למה יאמרו מצרים לאמר ברעה הוציאם להרג אתם בהרים ולכלתם מעל פני האדמה שוב מחרון אפך והנחם על הרעה לעמך¹³ זכר לאברהם ליצחק ולישראל עבדיך אשר נשבעת להם בד ותדבר אלהם ארבה את זרעכם ככוכבי השמים וכל הארץ הזאת אשר אמרתי אתן לזרעכם ונחלו לעלם¹⁴ וינחם יהוה על הרעה אשר דבר לעשות לעמו¹⁵ ויפן וירד משה מן ההר ושני לחת העדת בידו לחת כתבים משני עבריהם מזה ומזה הם כתבים¹⁶ והלחת מעשה אלהים המה והמכתב מכתב אלהים הוא חרות על הלחת¹⁷ וישמע יהושע את קול העם ברעה¹⁸ ויאמר אל משה קול מלחמה

1 BHS has been faithful to the Leningrad Codex where there might be a question of the validity of the form and we keep the same form as BHS.

q We have abandoned or added a ketib/qere relative to BHS. In doing this we agree with L against BHS.

עדים מהר חורב⁷ ומשה יקח את האהל ונטה לו מחוץ למחנה הרחק מן המחנה וקרא לו אהל מועד והיה כל מבקש יהוה יצא אל אהל מועד אשר מחוץ למחנה⁸ והיה כצאת משה אל האהל יקומו כל העם ונצבו איש פתח אהלו והביטו אחרי משה עד באו האהלה⁹ והיה כבא משה האהלה ירד עמוד הענן ועמד פתח האהל ודבר עם משה¹⁰ וראה כל העם את עמוד הענן עמד פתח האהל וקם כל העם והשתחוו¹ איש פתח אהלו¹¹ ודבר יהוה אל משה פנים אל פנים כאשר ידבר איש אל רעהו ושב אל המחנה ומשרתו יהושע בן נון נער לא ימיש מתוך האהל¹² ויאמר משה אל יהוה ראה אתה אמר אלי העל את העם הזה ואתה לא הודעתני את אשר תשלח עמי ואתה אמרת ידעתך בשם וגם מצאת חן בעיני¹³ ועתה אם נא מצאתי חן בעיניך הודעני נא את דרכך ואדעך למען אמצא חן בעיניך וראה כי עמך הגוי הזה¹⁴ ויאמר פני ילכו והנחת לך¹⁵ ויאמר אליו אם אין פניך הלכים אל תעלנו מזה¹⁶ ובמה יודע אפוא כי מצאתי חן בעיניך אני ועמך הלוא בלכתך עמנו ונפלינו¹ אני ועמך מכל העם אשר על פני

ולתת עליכם היום ברכה³⁰ ויהי ממחרת ויאמר משה אל העם אתם חטאתם חטאה גדלה ועתה אעלה אל יהוה אולי אכפרה בעד חטאתכם³¹ וישב משה אל יהוה ויאמר אנא חטא העם הזה חטאה גדלה ויעשו להם אלהי זהב³² ועתה אם תשא חטאתם ואם אין מחני נא מספרך אשר כתבת³³ ויאמר יהוה אל משה מי אשר חטא לי אמחנו מספרי³⁴ ועתה לך נחה את העם אל אשר דברתי לך הנה מלאכי ילך לפניך וביום פקדי ופקדתי עליהם חטאתם³⁵ ויגף יהוה את העם על אשר עשו את העגל אשר עשה אהרן ׀

33 וידבר יהוה אל משה לך עלה מזה אתה והעם אשר העלית מארץ מצרים אל הארץ אשר נשבעתי לאברהם ליצחק וליעקב לאמר לזרעך אתננה² ושלחתי לפניך מלאך וגרשתי את הכנעני האמרי והחתי והפרזי החוי והיבוסים³ אל ארץ זבת חלב ודבש כי לא אעלה בקרבך כי עם קשה ערף אתה פן אכלך בדרך⁴ וישמע העם את הדבר הרע הזה ויתאבלו ולא שתו איש עדיו עליו⁵ ויאמר יהוה אל משה אמר אל בני ישראל אתם עם קשה ערף רגע אחד אעלה בקרבך וכליתך ועתה הורד עדיך מעליך ואדעה מה אעשה לך⁶ ויתנצלו בני ישראל את

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

ואמת^{pnc} ⁷ נצר חסד לאלפים נשא עון
 ופשע וחטאה ונקה לא ינקה פקד עון
 אבות על בנים ועל בני בנים על שלשים
 ועל רבעים⁸ וימהר משה ויקד ארצה
 וישתחו⁹ ויאמר אם נא מצאתי חן בעיניך
 אדני ילך נא אדני בקרבנו כי עם קשה
 ערף הוא וסלחת לעוננו ולחטאתנו
 ונחלתנו¹⁰ ויאמר הנה אנכי כרת ברית
 נגד כל עמך אעשה נפלאות אשר לא
 נבראו בכל הארץ ובכל הגוים וראה כל
 העם אשר אתה בקרבנו את מעשה יהוה
 כי נורא הוא אשר אני עשה עמך¹¹ שמר
 לך את אשר אנכי מצוך היום הנני גרש
 מפניך את האמרי והכנעני והחתי והפרזי
 והחוי והיבوسی¹² השמר לך פן תכרת
 ברית ליושב הארץ אשר אתה בא עליה
 פן יהיה למוקש בקרבך¹³ כי את
 מזבחתם תתצון ואת מצבתם תשברון
 ואת אשריו תכרתון¹⁴ כי לא תשתחוה
 לאל אחר כי יהוה קנא שמו אל קנא
 הוא¹⁵ פן תכרת ברית ליושב הארץ וזנו
 אחרי אלהיהם וזבחו לאלהיהם וקרא לך
 ואכלת מזבחן¹⁶ ולקחת מבנתיו לבניך
 וזנו בנתיו אחרי אלהיהן והזנו את בניך
 אחרי אלהיהן¹⁷ אלהי מסכה לא תעשה
 לך¹⁸ את חג המצות תשמר שבעת ימים

האדמה פ

¹⁷ ויאמר יהוה אל משה גם את הדבר
 הזה אשר דברת אעשה כי מצאת חן
 בעיני ואדעך בשם¹⁸ ויאמר הראני נא
 את כבודך¹⁹ ויאמר אני אעביר כל טובי
 על פניך וקראתי בשם יהוה לפניך וחסתי
 את אשר אחן ורחמתי את אשר
 ארחם²⁰ ויאמר לא תוכל לראת את פני
 כי לא יראני האדם וחי²¹ ויאמר יהוה
 הנה מקום אתי ונצבת על הצור²² והיה
 בעבר כבדי ושמתיך בנקרת הצור ושכתי
 כפי עליך עד עברי²³ והסרתי את כפי
 וראית את אחרי ופני לא יראו ס

34 ויאמר יהוה אל משה פסל לך שני
 לחת אבנים כראשנים וכתבתי על הלחת
 את הדברים אשר היו על הלחת
 הראשנים אשר שברת² והיה נכון לבקר
 ועלית בבקר אל הר סיני ונצבת לי שם
 על ראש ההר³ ואיש לא יעלה עמך וגם
 איש אל ירא בכל ההר גם הצאן והבקר
 אל ירעו אל מול ההר ההוא⁴ ויפסל שני
 לחת אבנים כראשנים וישכם משה בבקר
 ויעל אל הר סיני כאשר צוה יהוה אתו
 ויקח בידו שני לחת אבנים⁵ וירד יהוה
 בענן ויתיצב עמו שם ויקרא בשם
 יהוה⁶ ויעבר יהוה על פניו ויקרא יהוה
 יהוה אל רחום וחנון ארך אפים ורב חסד

c We read one or more accents in L differently than BHS. Often this notation indicates a typographical error in BHS.

n Marks an anomalous form.

p We read punctuation in L differently from BHS.

את משה והנה קרן עור פניו וייראו מגשת אליו³¹ ויקרא אלהם משה וישבו אליו אהרן וכל הנשאים בעדה וידבר משה אלהם³² ואחרי כן נגשו כל בני ישראל ויצום את כל אשר דבר יהוה אתו בהר סיני³³ ויכל משה מדבר אתם ויתן על פניו מסוה³⁴ ובבא משה לפני יהוה לדבר אתו יסיר את המסוה עד צאתו ויצא ודבר אל בני ישראל את אשר יצוה³⁵ וראו בני ישראל את פני משה כי קרן עור פני משה והשיב משה את המסוה על פניו עד באו לדבר אתו ם

35 ויקהל משה את כל עדת בני ישראל ויאמר אלהם אלה הדברים אשר צוה יהוה לעשת אתם² ששת ימים תעשה מלאכה וביום השביעי יהיה לכם קדש שבת שבתון ליהוה כל העשה בו מלאכה יומת³ לא תבערו אש בכל משבתים ביום השבת ף ויאמר משה אל כל עדת בני ישראל לאמר זה הדבר אשר צוה יהוה לאמר⁵ קחו מאתכם תרומה ליהוה כל נדיב לבו יביאה את תרומת יהוה זהב וכסף ונחשת⁶ ותכלת וארגמן ותולעת שני ושש ועזים⁷ וערת אילם מאדמים וערת תחשים ועצי שטים¹⁸ ושמן למאור

תאכל מצות אשר צויתך למועד חדש האביב כי בחדש האביב יצאת ממצרים¹⁹ כל פטר רחם לי וכל מקנך תזכר פטר שור ושה²⁰ ופטר חמור תפדה בשה ואם לא תפדה וערפתו כל בכור בניך תפדה ולא יראו פני ריקם²¹ ששת ימים תעבד וביום השביעי תשבת בחריש ובקציר תשבת²² וחג שבעת תעשה לך בכורי קציר חטים וחג האסיף תקופת השנה²³ שלש פעמים בשנה יראה כל זכורך את פני האדן יהוה אלהי ישראל²⁴ כי אורישי גוים מפניך והרחבתי את גבולך ולא יחמד איש את ארצך בעלתך לראות את פני יהוה אלהיך שלש פעמים בשנה²⁵ לא תשחט על חמץ דם זבחי ולא ילין לבקר זבח חג הפסח²⁶ ראשית בכורי אדמתך תביא בית יהוה אלהיך לא תבשל גדי בחלב אמו ף

²⁷ ויאמר יהוה אל משה כתב לך את הדברים האלה כי על פי הדברים האלה כרתי אתך ברית ואת ישראל²⁸ ויהי שם עם יהוה ארבעים יום וארבעים לילה לחם לא אכל ומים לא שתה ויכתב על הלחת את דברי הברית עשרת הדברים²⁹ ויהי ברדת משה מהר סיני ושני לחת העדת ביד משה ברדתו מן ההר ומשה לא ידע כי קרן עור פניו בדברו אתו³⁰ וירא אהרן וכל בני ישראל

1 BHS has been faithful to the Leningrad Codex where there might be a question of the validity of the form and we keep the same form as BHS.

איש אשר נמצא אתו תכלת וארגמן ותולעת שני ושש ועזים וערת אילים מאדמים וערת תחשים הביאו²⁴ כל מרים תרומת כסף ונחשת הביאו את תרומת יהוה וכל אשר נמצא אתו עצי שטים לכל מלאכת העבדה הביאו²⁵ וכל אשה חכמת לב בידיה טוו ויביאו מטוה את התכלת ואת הארגמן את תולעת השני ואת השש²⁶ וכל הנשים אשר נשא לבן אתנה בחכמה טוו את העזים²⁷ והנשאים הביאו את אבני השהם ואת אבני המלאים לאפוד ולחשן²⁸ ואת הבשם ואת השמן למאור ולשמן המשחה ולקטרת הסמים²⁹ כל איש ואשה אשר נדב לבם אתם להביא לכל המלאכה אשר צוה יהוה לעשות ביד משה הביאו בני ישראל נדבה ליהוה פ³⁰ ויאמר משה אל בני ישראל ראו קרא יהוה בשם בצלאל בן אורי בן חור למטה יהודה³¹ וימלא אתו רוח אלהים בחכמה בתבונה ובדעת ובכל מלאכה³² ולחשב מחשבת לעשת בזהב ובכסף ובנחשת³³ ובחרשת אבן למלאכת ובחרשת עץ לעשות בכל מלאכת מחשבת³⁴ ולהורת נתן בלבו הוא ואהליאב בן אחיסמך למטה דן³⁵ מלא אתם חכמת לב לעשות כל מלאכת חרש וחשב ורקם בתכלת ובארגמן בתולעת השני ובשש וארג עשי כל מלאכה וחשבי

ובשמים לשמן המשחה ולקטרת הסמים⁹ ואבני שהם ואבני מלאים לאפוד ולחשן¹⁰ וכל חכם לב בכם יבאו ויעשו את כל אשר צוה יהוה¹¹ את המשכן את אהלו ואת מכסהו את קרסיו ואת קרשיו את בריחו⁹ את עמדיו ואת אדניו¹² את הארן ואת בדיו את הכפרת ואת פרכת המסך¹³ את השלחן ואת בדיו ואת כל כליו ואת לחם הפנים¹⁴ ואת מנרת המאור ואת כליה ואת נרתיה ואת שמן המאור¹⁵ ואת מזבח הקטרת ואת בדיו ואת שמן המשחה ואת קטרת הסמים ואת מסך הפתח לפתח המשכן¹⁶ את מזבח העלה ואת מכבר הנחשת אשר לו את בדיו ואת כל כליו את הכיר ואת כנו¹⁷ את קלעי החצר את עמדיו ואת אדניה ואת מסך שער החצר¹⁸ את יתדת המשכן ואת יתדת החצר ואת מיתריהם¹⁹ את בגדי השרד לשרת בקדש את בגדי הקדש לאהרן הכהן ואת בגדי בניו לכהן²⁰ ויצאו כל עדת בני ישראל מלפני משה²¹ ויבאו כל איש אשר נשאו לבו וכל אשר נדבה רוחו אתו הביאו את תרומת יהוה למלאכת אהל מועד ולכל עבדתו ולבגדי הקדש²² ויבאו האנשים על הנשים כל נדיב לב הביאו חח וזנס וטבעת וכומז כל כלי זהב וכל איש אשר הניף תנופת זהב ליהוה²³ וכל

q We have abandoned or added a ketib/qere relative to BHS. In doing this we agree with L against BHS.

מחשבת

ארבע באמה היריעה האחת מדה אחת לכל היריעת¹⁰ ויחבר את חמש היריעת אחת אל אחת וחמש יריעת חבר אחת אל אחת¹¹ ויעש ללאת תכלת על שפת היריעה האחת מקצה במחברת כן עשה בשפת היריעה הקיצונה במחברת השנית¹² חמשים ללאת עשה ביריעה האחת וחמשים ללאת עשה בקצה היריעה אשר במחברת השנית מקבילת הללאת אחת אל אחת¹³ ויעש חמשים קרסי זהב ויחבר את הירעת אחת אל אחת בקרסים ויהי המשכן אחד ׀¹⁴ ויעש יריעת עזים לאהל על המשכן עשתי עשרה יריעת עשה אתם¹⁵ ארך היריעה האחת שלשים באמה וארבע אמות רחב היריעה האחת מדה אחת לעשתי עשרה יריעת¹⁶ ויחבר את חמש היריעת לבד ואת שש היריעת לבד¹⁷ ויעש ללאת חמשים על שפת היריעה הקיצנה במחברת וחמשים ללאת עשה על שפת היריעה החברת השנית¹⁸ ויעש קרסי נחשת חמשים לחבר את האהל להיות אחד¹⁹ ויעש מכסה לאהל ערת אלים מאדמים ומכסה ערת תחשים מלמעלה ׀²⁰ ויעש את הקרשים למשכן עצי שטים עמדים²¹ עשר אמת ארך הקרש ואמה וחצי האמה רחב הקרש האחד²² שתי ידת לקרש האחד משלבת אחת אל

36 ועשה בצלאל ואהליאב וכל איש חכם לב אשר נתן יהוה חכמה ותבונה בהמה לדעת לעשת את כל מלאכת עבדת הקדש לכל אשר צוה יהוה² ויקרא משה אל בצלאל¹ ואל אהליאב ואל כל איש חכם לב אשר נתן יהוה חכמה בלבו כל אשר נשאו לבו לקרבה אל המלאכה לעשת אתה³ ויקחו מלפני משה את כל התרומה אשר הביאו בני ישראל למלאכת עבדת הקדש לעשת אתה והם הביאו אליו עוד נדבה בבקר בבקר⁴ ויבאו כל החכמים העשים את כל מלאכת הקדש איש איש ממלאכתו אשר המה עשים⁵ ויאמרו אל משה לאמר מרבים העם להביא מדי העבדה למלאכה אשר צוה יהוה לעשת אתה⁶ ויצו משה ויעבירו קול במחנה לאמר איש ואשה אל יעשו עוד מלאכה לתרומת הקדש ויכלא העם מהביא⁷ והמלאכה היתה דים לכל המלאכה לעשות אתה והותר ׀⁸ ויעשו כל חכם לב בעשי המלאכה את המשכן עשר יריעת שש משזר ותכלת וארגמן ותולעת שני כרבים מעשה חשב עשה אתם⁹ ארך היריעה האחת שמנה ועשרים באמה ורחב

1 BHS has been faithful to the Leningrad Codex where there might be a question of the validity of the form and we keep the same form as BHS.

וויהם זהב ויצק להם ארבעה אדני כסף³⁷ ויעש מסך לפתח האהל תכלת וארגמן ותולעת שני ושש משזר מעשה רקם³⁸ ואת עמודיו חמשה ואת וויהם וצפה ראשיהם וחשקיהם זהב ואדניהם חמשה פ

37 ויעש בצלאל את הארן עצי שטים אמתים וחצי ארכו ואמה וחצי רחבו ואמה וחצי קמתו² ויצפהו זהב טהור מבית ומחוץ ויעש לו זר זהב סביב³ ויצק לו ארבע טבעת זהב על ארבע פעמתיו ושתי טבעת על צלעו האחת ושתי טבעות על צלעו השנית⁴ ויעש בדי עצי שטים ויצף אתם זהב⁵ ויבא את הבדים בטבעת על צלעת הארן לשאת את הארן⁶ ויעש כפרת זהב טהור אמתים וחצי ארכה ואמה וחצי רחבה⁷ ויעש שני כרבים זהב מקשה עשה אתם משני קצות הכפרת⁸ כרוב אחד מקצה מזה וכרוב אחד מקצה מזה מן הכפרת עשה את הכרבים משני קצותיו⁹ ויהיו הכרבים פרשי כנפים למעלה סככים בכנפיהם על הכפרת ופניהם איש אל אחיו אל הכפרת היו פני הכרבים פ ויעש את השלחן עצי שטים אמתים ארכו ואמה רחבו ואמה וחצי קמתו¹¹ ויצף אתו זהב טהור ויעש לו זר זהב סביב¹² ויעש לו מסגרת טפח סביב

אחת כן עשה לכל קרשי המשכן²³ ויעש את הקרשים למשכן עשרים קרשים לפאת נגב תימנה²⁴ וארבעים אדני כסף עשה תחת עשרים הקרשים שני אדנים תחת הקרש האחד לשתי ידתיו ושני אדנים תחת הקרש האחד לשתי ידתיו²⁵ ולצלע המשכן השנית לפאת צפון עשה עשרים קרשים²⁶ וארבעים אדניהם כסף שני אדנים תחת הקרש האחד ושני אדנים תחת הקרש האחד²⁷ ולירכתי המשכן ימה עשה ששה קרשים²⁸ ושני קרשים עשה למקצעת המשכן בירכתים²⁹ והיו תואמם מלמטה ויחדו יהיו תמים אל ראשו אל הטבעת האחת כן עשה לשניהם לשני המקצעת³⁰ והיו שמנה קרשים ואדניהם כסף ששה עשר אדנים שני אדנים שני אדנים תחת הקרש האחד³¹ ויעש בריחי עצי שטים חמשה לקרשי צלע המשכן האחת³² וחמשה בריחם לקרשי המשכן השנית וחמשה בריחם לקרשי המשכן לירכתים ימה³³ ויעש את הבריח התיכון לברח בתוך הקרשים מן הקצה אל הקצה³⁴ ואת הקרשים צפה זהב ואת טבעתם עשה זהב בתים לבריחם ויצף את הבריחם זהב³⁵ ויעש את הפרכת תכלת וארגמן ותולעת שני ושש משזר מעשה חשב עשה אתה כרבים³⁶ ויעש לה ארבעה עמודי שטים ויצפם זהב

אמה ארכו ואמה רחבו רבוע ואמתים
קמתו ממנו היו קרנתיו ²⁶ ויצף אתו זהב
טהור את גגו ואת קירתיו סביב ואת
קרנתיו ויעש לו זר זהב סביב ²⁷ ושתי
טבעת זהב עשה לו מתחת לזרו על שתי
צלעתיו על שני צדיו לבתים לבדים
לשאת אתו בהם ²⁸ ויעש את הבדים עצי
שטים ויצף אתם זהב ²⁹ ויעש את שמן
המשחה קדש ואת קטרת הסמים טהור
מעשה רקה פ

38 ויעש את מזבח העלה עצי שטים
חמש אמות ארכו וחמש אמות רחבו
רבוע ושלוש אמות קמתו ² ויעש קרנתיו
על ארבע פנתיו ממנו היו קרנתיו ויצף
אתו נחשת ³ ויעש את כלי המזבח
את הסירת ואת היעים ואת המזרקת את
המזלגת ואת המחתת כל כליו עשה
נחשת ⁴ ויעש למזבח מכבר מעשה רשת
נחשת תחת כרכבו מלמטה עד
חציו ⁵ ויצק ארבע טבעת בארבע הקצות
למכבר הנחשת בתים לבדים ⁶ ויעש את
הבדים עצי שטים ויצף אתם
נחשת ⁷ ויבא את הבדים בטבעת על
צלעת המזבח לשאת אתו בהם נבוב
לחת עשה אתו ס ⁸ ויעש את הכיור
נחשת ואת כנו נחשת במראת הצבאת
אשר צבאו פתח אהל מועד ס ⁹ ויעש
את החצר לפאת נגב תימנה קלעי החצר

ויעש זר זהב למסגרתו סביב ¹³ ויצק לו
ארבע טבעת זהב ויתן את הטבעת על
ארבע הפאת אשר לארבע רגליו ¹⁴ לעמת
המסגרת היו הטבעת בתים לבדים
לשאת את השלחן ¹⁵ ויעש את הבדים
עצי שטים ויצף אתם זהב לשאת את
השלחן ¹⁶ ויעש את הכלים אשר על
השלחן את קערותיו ואת כפתיו ואת
מנקיתיו ואת הקשות אשר יסך בהן זהב
טהור פ

¹⁷ ויעש את המנרה זהב טהור מקשה
עשה את המנרה ירכה וקנה גביעיה
כפתריה ופרחיה ממנה היו ¹⁸ וששה קנים
יצאים מצדיה שלשה קני מנרה מצדה
האחד ושלושה קני מנרה מצדה
השני ¹⁹ שלשה גבעים משקדים בקנה
האחד כפתר ופרח ושלושה גבעים
משקדים בקנה אחד כפתר ופרח כן
לששת הקנים היצאים מן
המנרה ²⁰ ובמנרה ארבעה גבעים
משקדים כפתריה ופרחיה ²¹ וכפתר תחת
שני הקנים ממנה וכפתר תחת שני הקנים
ממנה וכפתר תחת שני הקנים ממנה
לששת הקנים היצאים ממנה ²² כפתריהם
וקנתם ממנה היו כלה מקשה אחת זהב
טהור ²³ ויעש את נרתיה שבעה ומלקחיה
ומחתתיה זהב טהור ²⁴ ככר זהב טהור
עשה אתה ואת כל כליה פ
²⁵ ויעש את מזבח הקטרת עצי שטים

משה²³ ואתו אהליאב בן אחיסמך למטה
 דן חרש וחשב ורקם בתכלת ובארגמן
 ובתולעת השני ובשש²⁴ כל הזהב
 העשוי למלאכה בכל מלאכת הקדש ויהי
 זהב התנופה תשע ועשרים ככר ושבע
 מאות ושלישים שקל בשקל
 הקדש²⁵ וכסף פקודי העדה מאת ככר
 ואלף ושבע מאות וחמשה ושבעים שקל
 בשקל הקדש²⁶ בקע לגלגלת מחצית
 השקל בשקל הקדש לכל העבר על
 הפקדים מבן עשרים שנה ומעלה לשש
 מאות אלף ושלושת אלפים וחמש מאות
 וחמשים²⁷ ויהי מאת ככר הכסף לצקת
 את אדני הקדש ואת אדני הפרכת מאת
 אדנים למאת הככר ככר לאדן²⁸ ואת
 האלף ושבע המאות וחמשה ושבעים
 עשה ווים לעמודים וצפה ראשיהם וחשק
 אתם²⁹ ונחשת התנופה שבעים ככר
 ואלפים וארבע מאות שקל³⁰ ויעש בה
 את אדני פתח אהל מועד ואת מזבח
 הנחשת ואת מכבר הנחשת אשר לו ואת
 כל כלי המזבח³¹ ואת אדני החצר סביב
 ואת אדני שער החצר ואת כל יתדת
 המשכן ואת כל יתדת החצר סביב

39 ומן התכלת והארגמן ותולעת השני
 עשו בגדי שרד לשרת בקדש ויעשו את
 בגדי הקדש אשר לאהרן כאשר צוה
 משה פ יהוה את

שש משזר מאה באמה¹⁰ עמודיהם
 עשרים ואדניהם עשרים נחשת ווי
 העמדים וחשקיהם כסף¹¹ ולפאת צפון
 מאה באמה עמודיהם עשרים ואדניהם
 עשרים נחשת ווי העמודים וחשקיהם
 כסף¹² ולפאת ים קלעים חמשים באמה
 עמודיהם עשרה ואדניהם עשרה ווי
 העמדים וחשוקיהם כסף¹³ ולפאת קדמה
 מזרחה חמשים אמה¹⁴ קלעים חמש
 עשרה אמה אל הכתף עמודיהם שלשה
 ואדניהם שלשה¹⁵ ולכתף השנית מזה
 ומזה לשער החצר קלעים חמש עשרה
 אמה עמדיהם שלשה ואדניהם
 שלשה¹⁶ כל קלעי החצר סביב שש
 משזר¹⁷ והאדנים לעמדים נחשת ווי
 העמודים וחשוקיהם כסף וצפוי ראשיהם
 כסף והם מחשקים כסף כל עמדי
 החצר¹⁸ ומסך שער החצר מעשה רקם
 תכלת וארגמן ותולעת שני ושש משזר
 ועשרים אמה ארך וקומה ברחב חמש
 אמות לעמת קלעי החצר¹⁹ ועמדיהם
 ארבעה ואדניהם ארבעה נחשת וויהם
 כסף וצפוי ראשיהם וחשקיהם
 כסף²⁰ וכל היתדת למשכן ולחצר סביב
 נחשת²¹ אלה פקודי המשכן משכן
 העדת אשר פקד על פי משה עבדת
 הלויים ביד איתמר בן אהרן
 הכהן²² ובצלאל בן אורי בן חור למטה
 יהודה עשה את כל אשר צוה יהוה את

שתי הטבעת על שני קצות החשן¹⁷ ויתנו
 שתי העבתת הזהב על שתי הטבעת על
 קצות החשן¹⁸ ואת שתי קצות שתי
 העבתת נתנו על שתי המשבצת ויתנם
 על כתפת האפד אל מול פניו¹⁹ ויעשו
 שתי טבעת זהב וישימו על שני קצות
 החשן על שפתו אשר אל עבר האפד
 ביתה²⁰ ויעשו שתי טבעת זהב ויתנם על
 שתי כתפת האפד מלמטה ממול פניו
 לעמת מחברתו ממעל לחשב
 האפד²¹ וירכסו את החשן מטבעתיו אל
 טבעת האפד בפתיל תכלת להיות על
 חשב האפד ולא יזח החשן מעל האפד
 כאשר צוה יהוה את משה²² ויעש את
 מעיל האפד מעשה ארג כליל
 תכלת²³ ופי המעיל בתוכו כפי תחרא
 שפה לפיו סביב לא יקרע²⁴ ויעשו על
 שולי המעיל רמוני תכלת וארגמן ותולעת
 שני משזר²⁵ ויעשו פעמני זהב טהור
 ויתנו את הפעמנים בתוך הרמנים על
 שולי המעיל סביב בתוך הרמנים²⁶ פעמן
 ורמן פעמן ורמן על שולי המעיל סביב
 לשרת כאשר צוה יהוה את
 משה²⁷ ויעשו את הכתנת שש
 מעשה ארג לאהרן ולבניו²⁸ ואת
 המצנפת שש ואת פארי המגבעת שש
 ואת מכנסי הבד שש משזר²⁹ ואת
 האבנט שש משזר ותכלת וארגמן
 ותולעת שני מעשה רקם כאשר צוה יהוה

² ויעש את האפד זהב תכלת וארגמן
 ותולעת שני ושש משזר³ וירקעו את פחי
 הזהב וקצץ פתילם לעשות בתוך התכלת
 ובתוך הארגמן ובתוך תולעת השני
 ובתוך השש מעשה חשב⁴ כתפת עשו
 לו חברת על שני קצותיו קצותיו
⁵ חבר וחשב אפדתו אשר עליו ממנו הוא
 כמעשהו זהב תכלת וארגמן ותולעת שני
 ושש משזר כאשר צוה יהוה את
 משה⁶ ויעשו את אבני השהם מסבת
 משבצת זהב מפתחת פתוחי חותם על
 שמות בני ישראל⁷ וישם אתם על כתפת
 האפד אבני זכרון לבני ישראל כאשר
 צוה יהוה את משה⁸
⁸ ויעש את החשן מעשה חשב כמעשה
 אפד זהב תכלת וארגמן ותולעת שני
 ושש משזר⁹ רבוע היה כפול עשו את
 החשן זרת ארכו זרת רחבו
 כפול¹⁰ וימלאו בו ארבעה טורי אבן טור
 אדם פטדה וברקת הטור האחד¹¹ והטור
 השני נפך ספיר ויהלם¹² והטור השלישי
 לשם שבו ואחלמה¹³ והטור הרביעי
 תרשיש שהם וישפה מוסבת משבצות
 זהב במלאתם¹⁴ והאבנים על שמת בני
 ישראל הנה שתיים עשרה על שמתם
 פתוחי חתם איש על שמו לשנים עשר
 שבט¹⁵ ויעשו על החשן שרשרת גבלת
 מעשה עבת זהב טהור¹⁶ ויעשו שתי
 משבצת זהב ושתי טבעת זהב ויתנו את

המלאכה והנה עשו אתה כאשר צוה יהוה כן עשו ויברך אתם משה פ

40 וידבר יהוה אל משה לאמר ² ביום החדש הראשון באחד לחדש תקים את משכן אהל מועד ³ ושמת שם את ארון העדות וסכת על הארץ את הפרכת ⁴ והבאת את השלחן וערכת את ערכו והבאת את המנרה והעלית את נרתיה ⁵ ונתתה את מזבח הזהב לקטרת לפני ארון העדת ושמת את מסך הפתח למשכן ⁶ ונתתה את מזבח העלה לפני פתח משכן אהל מועד ⁷ ונתת את הכיר בין אהל מועד ובין המזבח ונתת שם מים ⁸ ושמת את החצר סביב ונתת את מסך שער החצר ⁹ ולקחת את שמן המשחה ומשחת את המשכן ואת כל אשר בו וקדשת אתו ואת כל כליו והיה קדש ¹⁰ ומשחת את מזבח העלה ואת כל כליו וקדשת את המזבח והיה המזבח קדש קדשים ¹¹ ומשחת את הכיר ואת כנו וקדשת אתו ¹² והקרבת את אהרן ואת בניו אל פתח אהל מועד ורחצת אתם במים ¹³ והלבשת את אהרן את בגדי הקדש ומשחת אתו וקדשת אתו וכהן לי ¹⁴ ואת בניו תקריב והלבשת אתם כתנת ¹⁵ ומשחת אתם כאשר משחת את אביהם וכהנו לי והיתה להיות להם

את משה ס ³⁰ ויעשו את ציץ נזר הקדש זהב טהור ויכתבו עליו מכתב פתוחי חותם קדש ליהוה ³¹ ויתנו עליו פתיל תכלת לתת על המצנפת מלמעלה כאשר צוה יהוה את משה ס ³² ותכל כל עבדת משכן אהל מועד ויעשו בני ישראל ככל אשר צוה יהוה את משה כן עשו פ

³³ ויביאו את המשכן אל משה את האהל ואת כל כליו קרסיו קרשיו **בריחו** ³⁴ ואת מכסה עורת האילם ועמדיו ואדניו ³⁴ ואת מכסה עורת האילם המאדמים ואת מכסה ערת התחשים ואת פרכת המסך ³⁵ את ארון העדת ואת בדיו ואת הכפרת ³⁶ את השלחן את כל כליו ואת לחם הפנים ³⁷ את המנרה הטהרה את נרתיה נרת המערכה ואת כל כליה ואת שמן המאור ³⁸ ואת מזבח הזהב ואת שמן המשחה ואת קטרת הסמים ואת מסך פתח האהל ³⁹ את מזבח הנחשת ואת מכבר הנחשת אשר לו את בדיו ואת כל כליו את הכיר ואת כנו ⁴⁰ את קלעי החצר את עמדיה ואת אדניה ואת המסך לשער החצר את מיתריו ויתדתיה ואת כל כלי עבדת המשכן לאהל מועד ⁴¹ את בגדי השרד לשרת בקדש את בגדי הקדש לאהרן הכהן ואת בגדי בניו לכהן ⁴² ככל אשר צוה יהוה את משה כן עשו בני ישראל את כל העבדה ⁴³ וירא משה את כל

שמה מים לרחצה³¹ ורחצו ממנו משה
ואהרן ובניו את ידיהם ואת
רגליהם³² בבאם אל אהל מועד
ובקרבתם אל המזבח ירחצו כאשר צוה
יהוה את משה³³ ויקם את החצר
סביב למשכן ולמזבח ויתן את מסך שער
החצר ויכל משה את המלאכה פ
ויכס הענן את אהל מועד וכבוד יהוה³⁴
מלא את המשכן³⁵ ולא יכל משה לבוא
אל אהל מועד כי שכן עליו הענן וכבוד
יהוה מלא את המשכן³⁶ ובהעלות הענן
מעל המשכן יסעו בני ישראל בכל
מסעיהם³⁷ ואם לא יעלה הענן ולא יסעו
עד יום העלתו³⁸ כי ענן יהוה על המשכן
יומם ואש תהיה לילה בו לעיני כל בית
ישראל בכל מסעיהם

End of Exodus

משחתם לכהנת עולם לדרתם¹⁶ ויעש
משה ככל אשר צוה יהוה אתו כן
עשה¹⁷ ויהי בחדש הראשון בשנה
השנית באחד לחדש הוקם
המשכן¹⁸ ויקם משה את המשכן ויתן את
אדניו וישם את קרשיו ויתן את בריחיו
ויקם את עמודיו¹⁹ ויפרש את האהל על
המשכן וישם את מכסה האהל עליו
מלמעלה כאשר צוה יהוה את
משה²⁰ ויקח ויתן את העדת אל
הארן וישם את הבדים על הארן ויתן את
הכפרת על הארן מלמעלה²¹ ויבא את
הארן אל המשכן וישם את פרכת המסך
ויסד על ארון העדות כאשר צוה יהוה
את משה²² ויתן את השלחן באהל
מועד על ירך המשכן צפנה מחוץ
לפרכת²³ ויערך עליו ערך לחם לפני יהוה
כאשר צוה יהוה את משה²⁴ וישם
את המנרה באהל מועד נכח השלחן על
ירך המשכן נגבה²⁵ ויעל הנרת לפני יהוה
כאשר צוה יהוה את משה²⁶ וישם
את מזבח הזהב באהל מועד לפני
הפרכת²⁷ ויקטר עליו קטרת סמים
כאשר צוה יהוה את משה פ
וישם את מסך הפתח למשכן²⁹ ואת
מזבח העלה שם פתח משכן אהל מועד
ויעל עליו את העלה ואת המנחה כאשר
צוה יהוה את משה³⁰ וישם את
הכיר בין אהל מועד ובין המזבח ויתן

The Westminster Leningrad Codex

Version 4.16

Exodus

Attributed to:

Shemu'el ben Ya'akov
Aharon ben-Mosheh ben-Asher
ca 1008

Active maintenance of machine-readable version:

Stephen K. Salisbury, Editor
steve@grovescenter.org

Kirk E. Lowery, Senior editor
kirk@grovescenter.org

Transcription to Unicode/XML:

Christopher V. Kimball
transcriber@tanach.us

Edition:

Unicode/XML Westminster Leningrad Codex

<http://www.tanach.us/Tanach.xml>

Transcribed by WLC2XML of 6 Jun 2010 at 01 Jun 2012 @ 10:24.06. Build number:
23.0. Converted to ODT by XML2ODT.xml dated 22 Dec 2010 on 2012.06.01-10.26.
Build number: 23.0 . 49 pages. Layout: Full; Content: Consonants.

This document is in the public domain.